



### Insait



**Gutpela pren stori long leit JRK-p6**



**Tripela PNG lain winim lidasip kos long Taiwan -p9**



**57 milian pikinini long wol no stap long skul - p10**



### Birua bilong buai...

Poto: Nicky Bernard

**BINATANG KILIM BUAI:** Buai em i fevret samting bilong kaikai na opim ai na kliarim tingting, na kisim filings, tasol wanpela kain binatang nogut wantaim sik nau i wok long kilim indai buai long sampela hap bilong kantri olsem Makam (Markham) long Morobe, na tu long sampela hap long Manus Ailan....*Ritim moa stori long Pes 23*

# K130m sios mani lus long korapsen

Stanley Nondol i raitim

**BIKPELA tok pait i kamap namel long ol memba bilong palamen bia-hain long wanpela ripot bilong Sosel Developmen Dipatmen we Nesenel Plening Minista Charles Abel i tebolim long palamen i tokaut olsem K130 milian bilong sios i lus long psain korapsen.**

Namel long yia 2009 na 2012 aninit long PNG Sios Stet Patnasip Program o SSPP long taim bilong Somare gavman i givim K130 long sapatim sios long mekim wok divelopmen long komyuniti.

Long lis bilong dispela ripot i soim moa long K53 milian em dipatmen bilong Nesenel Plening i peim long ol projek we i no stap long program bilong SSPP.

Na long narapela lis bilong sios progem tu soim bikpela milian kina tu em ol peim long distrik tresari bilong sampela distrik na tu long sampel agrikalsa projek na ol peim konsalten-long olsem sevis fi.

Dispela ripot i opim ai bilong palnti memba bilong palamen na bikpela dibet kamap na memba bilong Chuave Vera Mori i tok K900,000 we gavman

peim long Chuave Distrik Tresari ion bin helipm wanpela sios wok na tok wok painim bai kamap long dispela mani.

Planti memba taim ol i lukim lis bilong spening bilong K130 milian i lukim sampela mani tu bin go long projek long distrik bilong ol tasol ol tok ol no save long dispela projek bilong sapatim sios long distrik bilong ol na tok wok painim mas kamap long lus bilong bikpela mani bilong sios.

*I go moa long pes 3*

**KISIM NIUELA 3G HUAWEI MEDIAPAD LITE**

Bai ikam wantaim wanpla mun FRI Data Pass (500MB) wantaim FRI SIM

**K449**

Stocks bai istap lo liklik taim tasol! Kisim now lo ol retail stoa na ol authorized dealers.

**Digicel**

3G DIGICELPNG.COM

**Painim CASH MONI bilong yu insait long Botol Oil**

**"Painim CASH MONI insait long ol GLOBE na SITA Kukkin Oil Botol"**

**Na kamap Wanpela LAKI WINA NAU!**

Sapos yu painim displa ol CASH Moni:

K1000	K500	K100
K50	K10	5 SITA 250ml Botol

**"Insait long lid" bihain yu rausim sil. Go kisim CASH MONI bilong yu long Globe dealer or kolim Globe Hotline 422 3066**

**GLOBE**

Tenaga Marnas long PNG

*Photostan bai pinis kang 31st December 2013*



# PM kisim bikpela namba sapot

Stanley Nondol i raitim

**PRAIM** Minista Peter O'Neill i kisim bikpela sapot long namba long aste taim palamen i mekim namba wan vot long kampim senis long tupela seksen bilong kontitusen long daunim namba bilong de palamen bai sidaun, na long vot nogat bilip agensim praim minista.

Gavman bilong Mista O'Neill i gat moa long 100 memba, na taim palamen i vot long aste, 87-pela memba bilong gavman i vote long kamapim senis, na 3-pela oposisen, Kundiawa Gembogl Memba Tobias Kulang, Rabaul Memba Dokta Allan Marat, na Madang Gavana Jim Kas, i vot agensim dispela senis.

Dispela senis long seksen 124 bai kamap long daunim namba bilong de palamen save sidaun long wanwan yia, long 63 de, bai kam daun long 40, na seksen 145 long givim 3-mun notis pepa long kampim vot nogat bilip agensim praim minista na mas gat tok orait bilong 22 memba bilong palamen bikos gavman gat bikpela namba long senisim.

Namba tu na fainol vot bai kamap bihain long tupela mun we Pemenen Palamentari Komiti long Konstitusen Loa, Ekts na Sabodinet Legislesens i tok Komiti bai holim konsaltesen na askim long pablik long dispela senis we praim minista laik kamapim.

Bihain long namaba wan riding, planti memba bilong gavman min-

ista, gavman bek bensa na namel bens memba i tok ol sapotim praim minista long kamapim senis.

Oposisen gat 6-pela memba tasol, na tripela bin stap long palamen i bin tok agensim dispela senis tasol ol nogat bikpela sapot bikos moa long 100 stap long sait bilong praim minista.

Mista O'Neill i tok em laik kamapim dispela senis long lukim kantri bai i sidaun strong, na gavman bai gat bikpela taim long plenim developmen na givim sevis long ol pipel.

Mista O'Neill tok em i no senism bilong em yet bai stap long pawa na holim sia bilong praim minista.

Olgeta memba husat stap wantaim em tok yes na olgeta tok ol sapotim em na 87 husat stap long

palamen i votim long kamapim senis.

Oposisen strong man na memba bilong Kundiawa Kulang i tok seksen 145 i no bilong vot nogat bailip tasol, em tok dispela seksen em bilong sekim wok bilong praim minista na sapos em i no mekim wok gut bai ol memba bilong palamen ken rausim em aninit long dispela seksen na dispela senis bai mekim hat tru long dil wantaim em sapos em ino ronim gut kantri.

Vot nogat bilip we save kamap bihain long 18 pela mun em praim minista yusim namba na senisim pinis go long 30 na nau surukim narapela tripela mun go antap. Aninit long dispela vot nogat bilip bai nonap kamap insait long 3-pela yia. Bai gat 18 mun tasol stap bipo

long 2017 ileksen na kamapim vot nogat bilip tasol nait long dispela senis bai lukim 3pela em bilong givim notis na 15 mun bai stap bipo long ileksen.

Tasol loa i tok, vot nogat bilip bai nonap kamap sapos 12 pela mun stap yet long rits bilong ileksen bai op.

Na dispela oposisen tok praim minista bai gat moa pawa na taim senis i kamap bihain long tupela mun, planti memba long gavman bai luksave olsem ol i bin asua long sapotim praim minista.

Oposisen tok dispela senis em bai opim bikpela dua bilong pasin korapsen na tok em i no rot bilong kamapim stabiliti olsem praim minista i toktok i stap.

## T.H.E Pati Fanresing winim K1m

Stanley Nondol i raitim

NAMBA tu bikpela pati insait long kolisin gavman bilong praim minister Peter O'Neill, T.H.E Pati, i kamapim moa long K1m long fanresing long sapotim wok bilong pati polisi long sapotim wok bilong ol liklik manimeri long ples.

Pati lida na minista bilong Tresari Don Polye long fanresing dina long Sande dispela wik long Pot Mosbi i tokaut olsem pati bilong em i lukluk long sapotim ol liklik manimeri long ples long sanap strong long komyuniti na groa.

Minista Polye tok long groim liklik manimeri, em polisi blong pati, olgeta manmeri long kantri tu bai mas wok hat na wok bung wantaim pati na gavman long kirapim sidaun bilong ol.

Minista Polye poisi bilong em

long sapotim liklik bisnis na wok agrikalsa em bai kisim bikpela luksave long 2014 baste bilong kantri long mun Movemba.

Mista Polye i tok gavman, bilong O'Neill i wok prorman gut wantaim pati bilong em na ol arapela kolisin pati insait long gavman na bikpela senis i wok long kamap insait long kantri we lukim gavman i givim bikpela milian kina mani long planti projek olsem, fri edukesen, rot, bris fri helt sevis na arapela.

Minista Polye i tok kantri ikonomi tu wok long groa long wok maining na gas na petroleum tasol Tresari minista i tok lukluk bilong gavman nau em long surukim winmani bilong ol maining na gas go long wok agrikalsa na asapotim liklik bisnis long helpim ol ples lain long mekim mani na sapotim laip bilong ol na long dis-

pela rot bai kantri groa.

Long wankain taim praim minister Peter O'Neill husat bin gest spika i tok, em gat bikpela amamas long T.H.E Pati long halivim em long kisim sia bilong praim minista tupela taim. Narapela long taim Sir Michael bin sik na narapela bihain long 2012 ileksen.

Minista Polye tok long bekim na luksave long T.H.E Pati, em givim bikpela wok insait long kantri long lida bilong pati, tresari minister we em go pas na lukautim mani bilong lantri.

Mista O'Neill i tok pasin bilong wok bung insait long kolisin gavman bai stap strong yet inap long 2017 nesenele ileksen na husat pati winim bikpela namba bai wankain sapot PNC Pati bilong em bai givim long fomim nupela gavman.



**KATIM PIK:** T.H.E Pati lida na Minista bilong Tresari, Don Polye, i katim pik long makim baset bilong kantri we gavman bai skelim go long kainkain wok developmen.

## Gavana em ol deputi siaman bilong JDPBPC

Stanley Nondol i raitim

PRAIM Minista Peter O'Neill i tokaut long palamen olsem olgeta gavana bilong provins em ol deputi siaman bilong JD na BPC na ol gat rait logn holim miting wantaim ol memba na givim tok orait long kamapim ol projek long distrik taim open memba i no stap.

Praim Minista i mekim dispela toktok long givim klia tingting long ol distrik, na provinsal administreta na ol memba bilong palamen taim gavana bilong Sentral, Kila Haoda, i askim Mista O'Neill sapos em ken kamap olsem siaman bilong JDPBPC bilong Kairiku Hiri open, yusim DSIP mani long kamapim projek bihain long Nesenele kot i rausim memba Paru

Aihi olsem memba bilong Kairiku Hiri.

Mista Haoda i tok em paul long ol sampela advais em i kisim.

Em i tok provinsal administreta tokim em olsem DSIP mani bilong Kairiku em pas na nogat man bai yusim bikos nogat memba bilong palamen stap long makim ol siaman.

Na Mista Haoda tok advais bilong sampela memba bilong palamen olsem em ken kamap olsem siaman bilong JDPBPC na yusim DSIP mani bilong distrik, na ken mekim projek.

Taim Mista Haoda i mekim dispela toktok na askim praim minista long wanem rot em trupela aninit long loa, Mista O'Neill i tok, provinsal administreta kisim advais long wanem hap olsem fan

bilong distrik em stap, na gavana bai no inap yusim long mekim projek.

Mista O'Neill i tok em bai advaisim Sif Sekreteri Sir Manasupe Zurenuoc long raitim pas i go long Gavana Haoda olsem em i deputi siaman bilong JDPBPC bilong distrik, na i gat rait long holim miting wantaim ol JDPBPC memba na ken endosim o tok oraitim ol projek, na yusim DSIP mani long mekim wok developmen long Kairiku Hiri distrik.

Kairiku Hiri nau i nogat memba klostu long wanpela yia, bihain long nesenele kot i rausim Paru Aihi olsem memba bilong palamen long ileksen petisen we wanpela arapela kendidet i bin lus, Peter Isoaimo, i bin salensim long kot.

## Dia projek kamap long Saut Flai

Ok Tedi Developmen Faundesen o OTDF i nau wok wantaim ol komyuniti long Saut Flai rijen long Westen provin long kamapim namba wan dia projek long kantri.

Wok long dispela projek bin stat long las yia long Kautru vilis long Saut Flai rijen .OTDF bin mekim wanpela traim dia faim pinis long vilis wantaim 7-pela dia em ol lukautim long hap.

OTDF i tok i gat planti wail dia stap long bus na komyuniti wantaim sapot bilong OTDF nau laik raun long olim pasim ol na mekim wok bisnis. Dispela bai kamapim gutpela bisnis tru long Saut Flai rijen.

Kautru em namaba wan ples OTDF makim long traim long dispela dia bisnis program. Aninit long dispela program, OTDF bai wok klostu wantaim Viles Plening Komiti Ovpc bi-



**Ol wail dia we ples lain kisim na putim long projek banis long Kautru vilis, Saut Flai Distrik Westen Provins.**

long Kautru vilis long stretim sevis bilong helt, edukesen, agrikalsa, na kamapim planti rot bilong mekim inkam bilong ples lain.

OTDF i toksave long vilis long Westen Provins ken joinim dispela program na OTDF bai mekim wankain wok wantaim ol na ol ken kisim sevis aninit long OK Tedi Komyuniti Kontinuatisen Agrimen mani bilong OK Tedi Maining.

Sif Ekseksetiv Opis bilong OTDF Geoffrey Fahey i tok, dia projek em tingitng na hatwok bilong ol ples lain long Kautru na OTDF amamas long sapotim.

Long las yia, OTDF bin kisim wanpela dia fama long Australia i kam long Westen provins na dispela man gat bikpela dia projek long Australia na save salim mit go long narapela kantri.

Dispela man i nau wok long helpim OTDF na ol ples lain long Kautru long soim ol ples lain long rot bilong mekim bisnis wantaim dia.

Las wik ol sampela lain long Fubilan Ketering Sevis i go lukluk raun long dispela dia fam long Kautru na wok nau kamap long kirapim bikpela haus wantaim ol masin long mekim projek na salim dia mit go long ol maket long halivim ol ples lain long bisnis na kainkain sevis dispela projek bai pulim kam.

Mista Fahey i tok bikpela tingting bilong dispela projek em long kirapim fektori long hap long stretim dia mit na salim long maket na dispela em bikpela projek tru bai givim bikpela sevis long pipel na em bai stap yet bihain long wok manining bilong OK Tedi pinis.



# Memba bilong polis na soldia i asua bai pinis long wok

**Stanley Nondol i raitim**

**OL pablik manmeri, ol lida bilong gavman na bisnis haus na komyuniti i les pinis long bikpet pasin bilong ol polis, ami na woda na praim minista Peter O'Neill i tokaut olsem husat memba bilong fos i asua bai pinis long wok bilong ol wantaim nogat pinis pe.**

Minista O'Neill i tok biket bilong ol polis manmeri long i no bihaim loa long mekim wok bilong ol i go antap moa na planti taim ol paitim man nating, pretim ol pablik wantaim ol bikpela gan na dispela hevi em kamap palnti taim tru.

Mista O'Neill i tok loa nau bai nogat marimari bilong ol memba bilong disiplineri fos husat i biket na em tok ol bai pinis long wok biong ol sapos ol i asua.

Praim Minista i mekim dispela strongpela toklukaut bihain long memba bilong Manus Ronney Knight i tokim palamen long dispela wik Tunde olsem ol Polis Mobail Skwat bilong Mosbi husat i go putim was long Manus Asailum Seka Senta i bikpet dring bia na kilim wanpela yangpela mangi dai long las wik.

namba wan grup bilong Mobail Skwat husat go long Manus i mekim wok gut tru tasol dispela nupela grup i biket moa yet. Em tok ol polis mobail i dring bia na miks wantaim ol yut na pretim pablik na lukim loa na oda hevi longbg manus nau em go antap moa long sot-pela taim na singaut long praim minista long kwik taim pulim kam bek dispela grup na salim pastaim grup go putim was long Asalum Sika Senta.

Mista Knight tu i askim praim minista long kwiktai kamapim sampela hatpela polisi o loa we bai putim tambu long ol polisman meri mas noken drink bia long taim bilong wok.

Praim Minista O'Neill i tok em bai givim oda long Polis kominisa Tom Kulunga long pulim kam bek dispela grup bilong Moabail na salim nupela grup go long Manus.

Los wik long Manus ol Mobail Squard husat wok long putim was long Asailum Sika long Manus i paitim nogut tru wanpela yangpela boi na lukim dispela boi bin lusim yangpela laip bilong em wantaim famili na dai long las wik long Manus polis stesen sel blok.

Long wankain taim praim minista wantaim Minista bi-

long Difens, Dokat Fabian Pok, i tok ol difens Fos soldia husat bin bagarapim propeti bilong UPNG skul bilong marasin long 3 mail haus sik long Mosbi bai pinis long wok bilong ol.

Ol soldia bin go insait long

3-mail haus sik long wikend na paitim ol sumatin na bagarapim pablik propeti bihain long wanpela soldia akamapoim liklik hevi wantaim pablik long ATM masin we dispela soldia brukim lain na go pas na kamapim

kros wantaim pablik.

Minista Pok i tolim pinis PNGDF Kommandanda Francis Agwi na wok painim i kamap nau long dispela hevi. Tuepa soldia wantaim wanpela draiva em ol i olim pas-sim ol na nau stap long

kamabus bilong ami.

Minista Pok tok husat soldia i asua bai pinis long wok bilong ol na ol bai nonap kiism sevis mani bilong ol na gavmna bai salim ol wantaim famili bilong go long wanwan ples bilong ol.

## wantok moni


Send money to Anyone, Anytime Anywhere



### Have you received Wantok Moni?

- To Accept Wantok Moni**
  - Dial \*131#
  - If you are a new user, you will be asked to create and enter a 4-digit Personal Identification Number (PIN)
  - If you're an existing user, you will be asked to enter your 4-digit PIN (this is different from the SEND CODE)
  - Reply 1 to "Accept Wantok Moni"
  - Enter the Sender's SEND CODE plus the SEND CODE that you generated

- To generate a Wantok Moni Withdrawal Code**
  - Dial \*131#
  - Enter your 4-digit PIN
  - Reply 2 to "Withdraw Wantok Moni"
  - Reply 1 to "Generate Code"
  - You will receive a response containing your WITHDRAWAL CODE



Anyone, Anytime, Anywhere!

### K130m sios mani i lus long korapsen...

**I kam long pes 1**

Long 2009, 2010 na 2011 gavman givim K30 milian long wanwan yia na narapela K10 long 2010 na long 2012 gavman givim K20 na K10 milian long 2013 long sapotim SSPP.

Long dibet bilong ol memba long dispela K130m, planti ol memba i tokaut olsem sios mani lus long han bilong korap lain husat i raitim giaman projek proposel na kisim mani aut long pasin korapsen na truru wok ino kamap long distrik na provins.

Fainens Minsta James Marape itok dsipela i kamap bikos ol korap lain i lukim dua bilong stil i op stap we ol bin putim projek proposel stret long dipatmen bilong Nesenel Plening, Fainens na Tresari na dil wantaim korapt wokman insait long dipatmen na stilim pablik mani.

Memba bilong Kundiawa Gembogl Tobias Kulang i tok planti lain tru i save giaman na stil long nem bilong sios. Em tok ol save registerim nem bilong sios long IPA, kisim setifiket na aplai long projek mani na save giaman na stil na tok gavman mas putim polisi long sistem na sekim rot we sampela sios long kantri yusim mani bilong gavaman.

Planti memba bilong palamen i sapotim dispela program bilong sapotim sios long fanding bilong gavman long wok patna long developmen tasol bikpela askim nau wok long kamap em olsem, ol sios lida save yusim gut mani o nogat?.

Mista Vera Mori tok mani em as bilong olgeta sin pasin long dispela graun na i tok yumi gavman mas sekim o oditim buk bilong sios na sekim wok bilong sios taim gavman i fandum sios long mekim projek long distrik na provins..

320 1212 / 7030 1212  
 servicebsp@bsp.com.pg  
 www.bsp.com.pg



Official Sponsor of the 2015 Pacific Games

# CRC Sios selebretim 40 yia long PNG

**Frieda Sila Kana i raitim**

**KRISTEN Rivaivel Krused (CRC) sios i makim 40 yia wok misin long Papua Niugini long Jun nambawan wik bilong mun Jun stat long Fonde 4 Julai i go i nap long Mande 8 Julai long Bethel Tabenakel Senta long Tokarara, Nesenal Kepital Distrik.**

Man i statim dispelasios long PNG, Rev. Barry Silverberg i bin kamap long dispela taim wantaim meri bilong em Rose na ol arapela misineri bilong Australia husat i bin putim han long stat bilong dispela sios na tu long wok insait long PNG.

CRC sios nau i stap long klostu long olgeta provins long PNG na em i wanpela bilong ol bikpela pentekostal sios insait long kantri na tu, em i gat han long planti narapela kantri long Pasifik, Esia na Yurop, wantaim ol misineri bilong PNG stret.

Long Sanden nait 7 Julai, ol sios lida i bin opim wanpela galeri bilong stori bilong sios we i soim ol man na meri hu sat i bin givim laip bilong ol long wok misin wantaim Pasto Barry na Mama Rose Silverberg long kirapim wok bilong CRC sios long PNG.

Pasto Barry i bin autim tok long Sande 7 Julai long Bethel Senta yet na em i tok, em i gat wanpela samting i hevi long bel bilong em, long sios insait long PNG tude.

“Yumi mas kamap ol lain bilong



**Poto stori galeri insait long Bethel Tabenakel. Poto: Frieda Kana**

karim hevi bilong narapela,” em i tok.

Em i sanap long tok i stap long Matyu sapta 26, lain 36 i go long 46 we Jisas i bin stap long gaden Getsemani wantaim Pita, Jems na Jon long taim em i wok long pre bipo long em i karim kruse bilong em.

Pasto Barry i tok, bel bilong Jisas i bin hevi tru long taim em i bin stap long gaden Getsemani na tripela

man em i kisim i go, em ol bes fren bilong em stret husat i save stap klostu long em, raun wantaim em na kaikai wantaim em.

Em i tok, long dispela taim, Jisas i pilim bikpela hevi long em bai karim pen na idai long diwai kruse, olsem na em i wok long pre i stap na i la ikim ol tripela brata bilong em bai sanap pre wantaim em tasol nogat. Ol i slip stap. Em i tok moa

olsem, dispela i mekim bel bilong Bikpela i hevi tru na wari olsem em i wanpis stret nau long karim dispela hevi.

Narapela hap tok long baibel em long Galesia sapta 6 na lain 2, 3. Dispela hap em i tok olsem yumi mas helpim narapela long ol trabol na hevi bilong ol olsem bai yumi bihainim tok bilong Bikpela.

Jisas i stop long karim hevi bi-

long yumi olsem na yumi tu i mas karim hevi bilong ol narapela bilong wanem, yumi mas soim piksa bilong man yumi laik bihainim.

Pasto Barry i tok moa long sam-pela ol wokman long Baibel we stori bilong ol i kamap long ol i karim hevi bilong narapela. Olsem long buk Stat sapta 49, yumi lukim Jacob i blesim wan wanpikinini man bilong em na givim ol wok.

Long ves 14, 15 em i givim blesing long Issachar olsem em i olsem strongpela donki we em i brukim skru i go daun long apim ol hevi wantaim nek bilong em. Donki em ol i save tok, em i long long animal. Tasol dispela donki, issachar i no longlong, em i smat moa. Em i givim solda bilong em olsem em i brukim skru na i go daun long mak bilong narapela na i liptimapi hevi bilong em wankain olsem wanpela longpela man i karim hevi samting long bikpela stik wantaim sotpela man, na em i mas go daun long mak bilong narapela na karim hevi.

Karim hevi wantaim amamas olsem profet meri, Deborah long baibel i mekim taim em i kirap na ron i go insait long ami bilong ol birua na kilim king bilong ol.

Matyu sapta 11 na lain 28 i go 30 i tok long yumi karim hevi bilong sevis long wok ministri.

“Olpipel i save laik long karim hevi bilong ol narapela, tasolol i save laikim ol man i mas apim ol i go antap long narapela level,” Pasto Barry itok.

# Polis manmeri bilong Australia bai kam

...K236.7 milian bilong helpim helt

**Veronica Hatutasi i raitim**

FIFTI (50) polis manmeri bilong Australia bai kam wok long PNG long helpim ol wanwok bilong ol long dispela kantri i daunim ol loa na oda hevi.

Praim Minista bilong Australia, Kevin Rudd, i bin tok olsem long tupela de wokabaut bilong em i kam long PNG long stat bilong dispela wik.

“Australia bai salim 50 polis manmeri i kam long helpim ol polis long Pot Mosbi na Lae long edresim ol loa na oda hevi.

“Sapos dispela i wok gut, ol bai salim moa polis manmeri i kam, bihain ol i stretim ligel sait,” Mista Rudd i tok.

Em i tok dispela tingting long salim sampela polis manmeri bilong Australia i kam long PNG na helpim wantaim wok bilong helpim daunim ol loa na oda hevi i no hap

bilong progrem we Australia i bin gat long sampela yia i go pinis, tasol ol bin stopim bikos kot i bin wokim disisen olsem dispela sampela samting insait long dispela arenjmen i no bihainim loa.

Loa na oda na ol polis progrem em i wanpela long ol eria we Mista Rudd i tok gavman bilong Australia i givim bikpela lukluk long helpim PNG wantaim mani na ol risos.

Ol narapela em long helt, edukesen, rot we stretim na siling bilong Ramu- Madang Haiwe, ol wok divelopmen bilon g Pot Mosbi na ol ki o bikela projek bilong PNG gavman.

Long sait bilong helt, Mista Rudd i bin tokaut olsem gavman bilong em bai givim Aus\$16 milian o K236.7 milian long kamapim gut ol helt infrastraksa long PNG.

Mista Rudd i tok Australia bai go het long sapatim PNG long ol divelopmen salens em i gat long en.



**BUNG:** Praim Minista O'Neill wantaim tripela minista bilong em, Rimbink Pato (Foren Afeas), Kerenga Kua (Atoni Jenerel) na Justin Tkatchenko (Spots, Spesel Ivens na Pasifik Gems) i bungim Praim Minista bilong Australia, Kevin Rudd na lain bilong em long opis bilong Mista O'Neill long Palamen Haus, Waigani. **Poto: Veronica Hatutasi**

# Manus bai kamap pemenen prosesing senta

**Veronica Hatutasi i raitim**

MANUS Asailum Prosesing (MAPC) bai kamap olsem pemenen senta insait long (Pasifik) rijen we ol refuji (o ol lain i ronawe lusim asples kantri bilong ol bikos long woa na hevi, na painim seif ples bilong stap long en), i ken stap na ol i stretim ol pepa bilong ol na putim ol long wanem kantri bai kisim ol.

Praim Minista bilon g Australia, Kevin Rudd, i bin tokaut long dispela insait long wanpela bung long palamen wantaim ol niuslain long dispela wik Mande.

Mista Rudd i tok haitim na kisim ol pipel i go long narapela kantri na kamapim Manus olsem pemenen prosesing senta i wanpela long ol salens long rijen we em na Praim Minista O'Neill i bin toktok long em.

Em bin tok em i luksave long ripot we Yunaitet Nesens Hai Komisn bilong ol Refuji (UNHCR) i wokim long Manus Refuji Asailum Senta olsem em i no bihainim loa, tasol em i tok gavman bilong em bai stadim ripot na edresim ol wari i stap insait long em.

Em bin tok tenkyu long PNG long go pas long edresim rijinel wari long ol asailum sika na “humen smuggling”, o haitim na kisim

pipel i go long narapela kantri.

Praim Minista bilong PNG, Peter O'Neill, i bin tok PNG bai wok wantaim Australia long edresim dispela samting.

Em bin tok dispela em i wanpela long ol samting i stap long agrimen we pastaim praime minista bilong Australia, Julia Gillard na Mista O'Neill i bin sainim taim em bin kam long PNG long mun Me.



# Sekyuriti bilong kantri bruk daun pinis: Kulang

Stanley Nondol i raitim

**STRONGPELA** man bilong opo-sisen na memba bilong Kundiawa Gembogl Tobias Kulang long aste i tok ol pipel bilong Papua Niugini mas save olsem sekuriti bilong kantri i bruk daun pinis na nogat control na koman long lukautim sefti bilong pipel.

Mista Kuglang i tok polis na difens fos i pudaun na lukim bikpela hevi wok long kamp planti taim na pretim ol bisnis haus, ol pipel na ol komyuniti na tok gavman long pela taim ino putim inap mani long stretim sekuriti fos.

Mista Kuglang i tok gavman i wok long tokotk tumas logng mekim kainkian wok developmen na putim bikpela milian kina mani long ol projek olsem, fri edukesen, rot, na agrikalsa na wok manining na i no lukluk long stretim hevi bilong polis na soldia we sekuriti na sefti bilong pipel em bikpela samting long komyuniti bai stap long pis.

Mista Kulang tok fridom, sekuriti, na banisim loa bilong kantri em nambawan besik raits bilong pipel aninit long konstitusen.

Mista Kuglang i tok taim gava-man i no provaidim besik raits bilong ol pipel long sekuriti em bikpela asua tru na tok dispela em

emejensi we gavman mas kwiktai lukluk long stretim.

Mista Kuglang i mekim dispela wari tokotk bihain long planti ripot kamaut olsem polis bilong kantri i wok long biket planti na i no mekim wok stret long lukautim sefti bilong pipel.


Na tu long las wikend lukim ol soldia bilong Taurama bareks bagrapim ol propeti na paitim ol sumatin bilong medikel skul long 3-mail long Mosbi na tu paitim ol sekuriti gad.

Minista Kuglang i tok ol pipel nau stap long bikpela prèt taim ol soldia na polis long bikpela siti long Mosbi paitim ol na abagrapim propeti bilong pablik.

Oposisen man i tok gavman mas stretim sekuriti bilong kantri pas-taim na larim ol pipel stap seif na bihain mas mekim kainkain projek long ol pipel bai kisim sevis.

Mista Kuglang tok gavman i no lukluk long dispela na moa long en em tok planti kalabus man ronwe long planti haus kalabus long akantri na gavma i no mekim save long ol bikman bilong CIS na tu polis. Mista Kulang tok nogat wan-pela bikpela man bilong CIS i kisim mekim save na tok gavman i lus tingting long sekuriti bilong ol pipel.

Mista Kulang tok gavman mas givim wankain mani long stretim polis na ami olsem em givim long ol rot projek olsem long NCD we no i stap long baste bilog kantri.



## Tambu long dring na spakbrus

Dispela 'bil bod' i bikpela moa long sain bod bilong Madang Tisa Kolis na em i soim bikpela tok tambu lo pasin bilong simuk mariwana na dring bia long kolis. Dispela em wanpela bilong ol bikpela wok redi ol tisa sumatin na ol leksera bilong ol i mekim nau long dispela taim inap long mun Septemba taim kolis bai i selebretim Golden Jubili bilong em.

Wanpela bilong ol biknem musik man bilong Madang, Demas Saul, i wanpela bilong planti man i resis long kisim sia bilong Lod Meya bilong Madang taun na em bai traim hat long daunim loa na oda hevi olsem.

Vot bilong makim ol Lokol Level Gavman na Meya i kamap pinis long las wik Fraide wik i go long 13 Julai 2013. Nau yumi redi long wanem taim bai ol i kaunim ol vot.



Memba bilong Kundiawa Gembogl, Tobias Kulang

### AGRICULTURE TRACTORS

- Slashers
- Disc Ploughs
- Disc Harrows
- Post Hole Augers
- And Other Attachments for Farming

90hp  
70hp  
50hp

AGMARK MACHINERY

PORT MORESBY: 323 5572 | LAE: 472 6324 | KOKOPO: 982 8748  
machinery@agmark.com.pg

**BEYOND BOUNDARIES  
SUNDAY, 6PM - 6.30PM**

Topic of the week:

**Small Business Education Programs**

**FM100** Text 1610  
PNC's Information & Music Leader

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAQIFU 100.2	MARKHAM 100.5	MT. KAINGUMA 107.1	PALMAMAL 100.8	TARI 100.5	WAU/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8



# Gutpela pren bilong leit Joe Kanekane stori long leit JRK

MI GURIA nogut stret long Mande morning taim mobail fon bilong mi i ring na wanpela text mesej (toksave) I kamap long samting olsem 8-kilok long moning.

Mesej ya i tok olsem: "Presiden bilong PNG Midia Kaunsil na Daireka bilong Lo na Jastis Sekta Sekretariat, Joe Kanekane bilong i lusim laip bilong em long Sande apinun long 6 kilok long Tabubil hausik"

Mi wok stap nau long Basamuk Rifaineri bilong Ramu NiCo long Raikos na dispela mesej i bin kam long sinia atis bilong PNG na sab-Edita bilong *Wantok Niuspepa*, Jada Wilson, husat em wanpela gutpela poroman tu bilong Joe Roger Kanekane, Daireka bilong Lo na Jastis Sekta na Presiden bilong PNG Midia Kaunsil.

Mi no bilip tru taim mi kisim mesej ya long mobail text. Wanpela tingting kwiktaim kisim mi olsem ating em 'Fuls De' o wanem?? Tasol taim mi tingting gen mi save olsem nogat em i no Epril 1 o 'Fuls De'.

Sampela minit bihain mi go insait long opis na sindaun baksait long kompiyuta na opim e-mail bilong mi na arapela mesej ken mi lukim bilong morning i kam long Nius Edita bilong

*The National* niuspepa, Jacqueline Wari, we em i tokaut olsem em tru olsem Mista Kanekane i dai long Tabubil hausik.

Bikpela wari na sori stret i kisim mi. Mi no sindaun gut na wok bikos mi faol stret.

Long las wik Sarere tasol, Joe i bin ringim mi na i tok tasol olsem "James, mi stap Mosbi. Bihain mi ringim yu." .....Tasol Joe i no bin ringim mi inap mi kisim dispela ol text mesej long Mande morning.

Nau yet mi gat inkaming kol rejista bilong namba bilong JRK i stap long fon blo mi. Na bikpela sore na wari i stap long mi yet.

### Ol Gutpela Taim long Times of PNG bipo

Mi gat planti gutpela stori na memori wantaim gutpela poroman na brata Joe Roger Kanekane. Mi yet save kolim em pastaim olsem 'JRK' bikos em olsem wanpela brata tru bilong mi stret na olgeta taim em save givim mi gutpela edvais na tu salens long laip bilong mi. Joe tasol i save kolim mi olsem 'Jame Genorupa Kila' taim em i amamas na tok-pilai wantaim mi.

Olgeta meri bilong Joe na planti ol pikinini na ol brata na susa na tu papa bilong JRK i



Leit Joe R Kanekane

save long mi. Mi save go long haus bilong Joe taim mi stap Mosbi na raun wantaim em long kar long taim bilong wok na fri taim na tru tumas em olsem brata stret.

Stori long mi save long JRK em longpela tru, na ating sapos mi laik raitim olgeta stori i bilong mipela long gut-taims em bai longpela tru. Na ating bai mi raitim wanpela buk o pinisim planti pes bilong niuspepa long stori bilong mi wantaim JRK tasol.

Namba wan taim tru mi save long JRK em long taim mi wantaim arapela niusman bilong Madang, Clement Miria i bin bungim hevi na pait wantaim ol

raskol lain long Hohola stes 3 long Mosbi siti. Ol raskol lain i bin katim het bilong Clement na mipela bringim em i go long POM Jeneral Hausik, na long hap mi bungim JRK, husat i toktok strong long ol nes na dokta long stretim Clement Miria hariap tru.

Long dispela taim Joe i bin mekim fainol yia bilong em long Midia Stadies long UPNG. Taim em i stap sumatin yet, Joe i save raitim ol stori bilong ol ragbi yunion gems long UPNG na tu Unagi Lig long Godens na sampela ol tas ragbi gems long strit na

bringim i kam long Word Publishing na givim long Edita pastaim bilong **Week-end Sports**, Henry Morabang. Mi save bungim em autsait long ofis na mipela i save stori na mi save go lusim em long Stop N Shop long Sentral Waigani na mipela dring Coke save wokabaut go bek long ofis.

Taim mi stat wok wantaim Word Publishing Company long stat bilong 1990s i kam, JRK i bin greduet na kam insait na mipela wantaim i save wok long nius tim. Joe i kamap wanpela namba wan fren blo mi stret. Mitupela save serim tingting na wok gut wantaim na tu raun gut wantaim. Em save long olgeta stori bilong mi, gutpela na nogut wantaim. Na planti taim em save mekim fani long mi na lap taim mipela save holim wan wan SP botol long bipo.

Long taim bilong wok, na i gat ol sans pati o kibung bilong ol nius lain long SP VIP launz long Badili, mipela save plen na go wantaim na dring na mekim kain kain stori nabaut.

Long ol belo taim mi wantaim JRK i save wokabaut i go long Kunai Strit long Hohola na baim ol flaua bols na kaikai na wokabaut i kam bek. Long dispela taim Poreporena Friwe i no bin kamap yet na mipela save sot-kat na wokabaut i go kam.

Tru tumas, JRK em wanpela man bilong stadi stret na em i gat bikpela tingting long muv i go antap long wok o keria bilong em.

Mipela save stori olsem na sampela taim em i save tokim mi long tingting bilong em long sanap long politiks. Em save tokim mi olsem: "James, taim mi kamap memba, maski yu gutpela poroman blo mi, bai yu mekim apoinmen yet na kam lukim mi."

JRK i mekim planti ovasis raun bilong em taim em i stap wantaim The Independent niuspepa taim em i bin go long London, Inglen, em i salim wanpela post-kad na askim mi long ges, em long we??...Dispela em bikos pastaim mi bin go long Cardiff long Wels na mi bin raun i go long London, mi bin kisim foto long wanpela hap na salim wanpela post-kad long JRK olsem na em i bekim long mi.

Tru tumas Joe em wanpela man bilong mekim wok long wanem eria em i stap long en. Joe i bin wok strong i go na i mekim rot bilong em i go antap olsem Distribusen Menesa bilong Word Publishing Kampani, na ol i givim em wanpela kar.

Dispela kar em JRK i bin yusim long bringim mi wantaim femili i go long ples-balus taim mi risain long Word Publishing na go joinim Kopi Industri Koporesen (CIC). Bikpela pikinini man bilong mi, Chester i ken tingting yet ankol Joe Kanekane tasol i bringim mipela i go long ples-balus long Mosbi, narapela pikinini Junia em bebi na no inap tingim.

### 'Papa Joe' long L&JSS

Mi bin stap wantaim Kopi Industri Koporesen (CIC) tasol kontek na pasin bilong ring i go kam na stori namel long mi wantaim JRK i stap strong yet

Mi guria long harim bihain olsem ol dairekta bilong Word Publishing Kampani i pasin *The Independent* Niuspepa, na Joe em wanpela long ol i lusim wok.

Tasol Joe em smatpela man na em i stap sotpela taim tasol na em i go joinim PNG Lo na Jastis Sekta Sekretariat. Em i bin wok long Komyunikesen seksen i go na bihain mekim rot bilong em i go antap tru long Dairekta bilong PNGJSS.

Taim mi stap long Goroka, Joe oltaim i save go mekim wok long Isten Hailans.

Wanpela taim em i go na em kolim mi olsem "Papa, ating yu mas senisim pasin nau na traim tingting long wokim bisnis."

Long dispela taim i kam nau, mipela save kolim mipela yet 'Papa'.

Ol arapela lain memba bilong Lo na Jastis sekta long dispela taim mipela save bung long Goroka em David Terry bilong Polis Dipatmen, Cletus Ngaffkin bilong Atoni Jeneral, Bonner Tito bilong Ombudsmen Komisn na ol arapela bilong lo na jastis sekta

Mi ken tingting yet wanpela taim bihain long wanpela kibung long Goroka So, taim ol arapela lain i go bek long Mosbi, na Papa Joe i tingting long go long ples long Kowangil long Imbonngu. Mipela i toktok i go kam na mi kalap wantaim em long kar na mipela i go olgeta long ples long Kowangil.

Mi go stap wantaim em long hausman bilong em na long morning mipela raun lukim ples na bihain mipela i ron kambek long Goroka.

### Pasin Barata Strong yet

Maski nau mi stap long Madang na wok wantaim Ramu NiCo Menesmen (MCC), mi save ringim Joe wan wan taim na mipela save stori. Em save salim text tu i kam long mi na mipela save stori.

Las yia taim em i bin kam long Madang em i kam painim mi long ofis na mipela i raun na em i stori long wok bilong em na tu long stadi em i mekim long Mastas in Bisnis Edministresen long UPNG. Long dispela taim mi soim em meri bilong mi long Madang, Angelyn.

Joe em man i gat gutpela tingting na em fit man stret long serim aidia wantaim husat i lain insait long wanem komyuniti em i go givim toktok.

Toktok bilong Papa Joe i save gat naispela kala long em na planti lain husat i save harim Papa Joe i toktok i save mangalim stail bilong em long toktok. Long Mande nait taim mi stap long rum blong mi long Basamuk Rifaineri long Raikos, mi wari stret na aiwara i pundaun na mi tingting ol gutpela taim bilong mi wantaim Papa Joe.

Mi salim bikpela tok sore bilong mi wantaim femili bilong mi i go long meri bilong leit Papa Joe Roger Kanekane, em Rose na Luwai na olgeta naispela pikinini long Renbo Estet na tu ol family long Kowangil long Imbonngu distrik. Mi wantaim meri bilong mi Angelyn i salim bikpela tok sore bilong mipela long Papa Joe na prea olsem sol bilong yu i ken kisim gutpela malolo long heven.

RIP Papa JRK!!



# Tok Sori






Ol bot, menesmen na wok man na meri bilong Midia Kaunsel bilong Papua Niugini (MCPNG) i laik salim bikpela bel sori i go long famili, haus lain na ol wan pisin bilong **Leit Joe Kanekane**, long dispela dai i nogat toksave bilong em.

Long taim bilong dai bilong em, leit Kanekane, i bin stap Presiden bilong Midia Kaunsel bilong Papua Niugini, na tu olsem siaman bilong **PNG Sensosip Bot**.

Em i stap tu long planti arapela bot olsem *Caritas PNG bot*, na i memba bilong *DGTP bot* na co-sia bilong *Komyuniti Koalisen egens Korapsen*. Em i wanpela man long raitim ol poem na arapela gutpela samting bilong tingting.

Leit Mista Kanekane i gat strongpela pasin bilong mekim wok long bel bilong em stret na em i givim bikpela samting long developim na senisim wok bilong midia long PNG, insait long taim bilong em olsem Presiden bilong MCPNG.

Em i go tasol em i lusim wanpela gutpela stori bilong em, na ol kaikai bilong wok bilong em bai i stap yet long olgeta lain i pilim na tingim, MCPNG na PNG midia industri, na olgeta lain husat i save long em olsem fren na wan wok bai misim tru dispela man.

Ol prea na tingting bilong mipela i stap wantaim yupela long dispela taim bilong sori.

Sol bilong em i ken slip wantaim bel isi.



# Raun kabis i ken kamap long Pot Mosbi tu

## HUSAT i tok, raun kabis bai i no nap kamap long kain hotpela ples olsem Pot Mosbi?

Taim wanpela man i tokim yu olsem raun kabis em i wanpela gutpela kumu, yu bai hariap tingting olsem em i dispela kumu we ol i save planim long Hailans bilong PNG we ples i kol o em i save kam long ovasis na ol i salim long kain siti olsem Pot Mosbi.

Tasol sapos wanpela man i tok yu ken planim kabis long kain ples olsem Pot Mosbi na kamap gut, yu bai bilip o nogat?

Long mun Jenuari dispela yia, Andrew Paul bilong Westen Hailans husat i save stap long

Moitaka Pawa Stesin long 8 Mail, i tok em bai traim long planim raun kabis long baksait long haus bilong em.

Em i tokim tupela brata bilong em na ankel bilong em na ol i brukim graun na putim pekpek bilong kakarup i go insait na ol i neserim 1,400 sit bilong raun kabis.

Nau ol i kirap nogut olsem gaden bilong em i kamapim raun kabis na nau em i stat salim long ol supa maket stua long K3.50 wanwan kilo na long ol maket long siti olsem Gordons, em i salim K10.00 long wanwan kabis. Paul i tok, nau em i wok long redim graun gen bilong planim neks raun kabis.

Mista Paul i tok, i nogat tok hait long we bilong em i groim kabis long Pot Mosbi. Em bilong mekim hatwok tasol na mas gat strongpela tingting long kamapim bisnis.

"Mi laik painim helpim na tok skul nau long ol bikman long siti, long helpim mi long planim ol raun kabis long bikpela eria wantaim ol rait tuls long mekim bikpela maket moa. Mi singaut long NCDC, Dipatmen bilong Agirkalsa na ol arapela long ol i mas helpim mipela long painim na yusim ol sevis i stap pinis," Mista Paul i tok.

I gat wanwan lain tasol insait long siti i save planim na bringim ol gut-

pela kumu samting long salim long ol maket olsem Gordons tasol i gat planti bilak maket tu i stap," Mista Paul i tok.

"Ol pipel long siti i wok long painim we bilong kamapim sindaun bilong ol na ol i wok long mekim sampela pasin we i save bagarapim siti na i kisim trabel i kam long stet atoriti. Ol lain i wok long salim yet ol samting long strit, we gavman i wok long stopim, na spetim buai long pablik ples, pik poket, planti bikhet pasin, yusim smuk nogut na em kain pasin i kam long ol longlong lain o ol lain i les tumas na i no laik traim wok hat long kamapim gutpela samting," Paul i tok.



Wanpela raun kabis long gaden bilong Andrew Paul long Mosbi. Foto: Andrew Paul

# Distrik bai kisim K10m bilong DSIP: Marape

## Stanley Nondol i raitim

**MINISTA bilong Fainens James Marape, aste long palamen i tokaut olsem olgeta distrik na provins bai kisim DSIP na PSIP mani long sapotim wok developmen we gavman bin tokaut long 2013 baste bilong kantri.**

Minista Marape i tok gavman nonap long givim olgeta mani, K10 milian bilong wanwan distrik na K5 milian long wanwan provins olsem gavman bin tokaut long baste bikos gavman kontrolim mani na kantri nogat inap mani long givim olgeta.

Minista Marape i mekim dispela tokotk bihain long gavna bilong Simbu, Noah Kool i askim em bilong wanem na ol memba i no kisim olgeta mani olsem gavman tokaut long baset. Mista Kool tok 2013 em yia bilong mekim wok developmen olsem gavman bilong

O'Neill tokotk strong long en. Gavna Kool tok nau em Julai na arere bilong 2013 em kam klostu, na tok wanem taim stret bai gavmna givim DSIP na PSIP mani long mekim wok long provins na distrik.

Minista Marape i tok, gavman i kontrolim mani long balensim kes plo na em tok gavman givim pinis 40% bilong mani, em K4milian long wanwan distrik na K2milian long wanwana provins.

Minista Marape i tok bipo long pinis bilong dispela yia, olgeta memba bai kisim olgeta mani we gavman tokaut long baset bilong kantri.

Long wankain taim minister bilong Nesenel plening Charles Abe, i tok olgeta memba bai kisim DSIP, PSIP na Distrik na Provinsel Sapot Gren mani. Em tok i gavman bai givim olsem em promis na tok olgeta memba mas gat 5-yia developmen plen na salim

kam long opis bilong em long ol bai isi long mekim wok developmen long distrik na provins bilong ol.

Minista Abel i tok olgeta memba mas gat plen bilong ol long mekim wok na tok bikpela tenkyu long memba bilong Karamuin Nomane long Simbu provins Mogerema Sigo Wei long givim 5-yia plen long aste go long minister Abel.

Mista Wei i tok bikpela plen bilong em long 5-pela yia em long bildim na stretim rot long Karamui kam long Kundiawa long ol pipel ken go kam na mekim laip bilong ol isi long mekim bisnis na sapotim ol yet.

Mista Wei i tok Karamui em gat bikpela sans o planti rot bilong mkim wok agrikalsa bisnis stap tasol rot em wanpela bikpela hevi na em tok em bai lukluk long stretim dispela hevi we ol pipel bin kisim taim long planti yia.

# Australia i mekim isi long kisim Visa

## Stanley Nondol i raitim

PAPUA Niugini manmeri husat laik go raun long Australia nau mas amamas, Australia gavman i mekim isi rot bilong kisim visa na mekim isi long Papua Niugini manmeri laik go raun long Australia i ken go.

Visa Advaisa bilong Canberra, Australia Jim Williams, husat i kam long PNG long las wik na tokaut olsem, Australia gavman i daunim hatplea rot bilong PNG long kisim visa i tok Australia gavman i tok welkam long planti PNG bai go daun long Australia.

Mista Williams i tok PNG em neiba bilong Australia na tupelo kantr ibin stap pas longpela taim tru long wok developmen, bisnis na tok PNG nau em bikpela kantri long ekonomi long Pasifik na tok Australia gavman i lukisave long dispela na laikim planti PNG bai go raun long Australia na daunim hatpela rot bilong kisim visa.

Pastaim long dispela, rot bilong kisim Australia em

save hat tru, imigresen opis save askim long medikel repot, benk stetmen long lukim amas mani dispela man o meri gat long yusim long Australia. Dispela em save mekim hat long planti bisnis lain wantaim sumatin an ol turis bilong PNG.

Mista Williams tok dispela nau em senis pinis we husat laik go ken aplai tasol na immigresen bai nonap long askim long benk stetmen na medikel pepa moa.

Praim Minista Peter O'Neill bin askim pastaim praim minister bilong Australia Julia Gillard taim em kam visit long kantri long mun Me dispela yia long Australia gavman long mekim isi hatpela rot bilong kisim Australia Visa.

Mista Jim tok rot bilong aplai long Australaia Visa em: go long websait bilong Australia long [www.png.highcommission.gov.au/pmbs/visa.htm](http://www.png.highcommission.gov.au/pmbs/visa.htm) na olgeta toksave stap long websait. Mista Jim tok i gat fom bai yu pilim na ino olsem bipo we bai yu givim

benk statemen na sampela pepa moa we save mekim hat stret long kisim visa. Nau bai yu pilim wanpela pom tasol long kisim visa.

Long ksiim Australia em save hat tru na tu bin gat planti ripot kamp olsem planti Papua Niugini husat go long Australia save hambak na i no save bihainim gut ol loa bilong Australia. Tasol Mista Jim tok dispela pasin em lukim bikpela senis we ol PNG i bihainim gut loa tasol husat i bikpela em loa bikpela Australia bai mekim save long husat brukim loa.

Mista Jim long las wik bungim ol bisanisen komyuniti na gavman an midia lain na givim dispela tok save olsem dua em nau op long PNG ken go raun long Australia.

Mista Jim tok Australia gavman laikim planti Papua Niugini long go raun long Australia long skul, raun long olide olsem turis, go wokim wok leba long fam na go stap wantaim family na pren.

**NASFUND FM100 TALKBACK SHOW**  
**MONDAY - FRIDAY, 9AM TO 12PM**  
 Participate and be heard on an open forum on National Radio

Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINUPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCU 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAUBULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8



# Tripela PNG lain winim lidasip kos long Taiwan

**Veronica Hatutasi i raitim**

**TRIPELA yangpela savelain bilong PNG i wanpela long 15-pela pipel bilong ol Pasifik Ailan kantri bai skul long tripela mun lidasip trening kos long kantri Taiwan.**

Jane Puma Awi husat i pinisim Doktoret bilong em long Krietiv Industris long Kwinslen Yunivesiti bilong Teknoloji long Australia, na pastaim leksera long Yunivesiti bilong Goroka, Clement Hurae Disava em Polisi Opisa wantaim helt Dipatmen husat i bin presiden long Yunivesiti Studen Representetiv Kaunsel (SRC) taim e i skul long hap na nau yet, e mi wanpela UPNG Kaunsel Bot memba, na Bill Minjikul i wok olsem Risets Opisa wantaim Praim Ministas Dipatmen na pastaim presiden bilong UPNG SRC em tripela yangpela pipel i go insait long Pasifik Ailans Lidasip Progam (PILP) bai stat long dispela Ogas 26 na pinis long Novemba 20, 2013.

Man i go pas long Taiwan

Tred Misin (TTM) long PNG, Daniel Hu, i tok PILP em nupela progam bilong givim sans long strongim ol lidasip kwaliti bilong ol yangpela long ol Pasifik Ailan rijen na bildim netwok bilong ol (yangpela lida) husat bai kontribuit long ol gutpela wok bung na wok pren namel long ol na ol kantri i stap arere o klostu long Pasifik.

“Dispela progam i bilong strongim save bilong ol lain i go insait long em long ol ki ikonmik, sosel, politikel, helt, edukesen, environmen na ol developmen isu insait long rijen, na helpim ol i strongim ol lidasip kwaliti, netwok na ol i ken mekim gutpela kontribusen wantaim ol wok bilong ol insait long rijen,” Mista Hu i tok.

Long tripela mun kos, ol lain bai wokim tupela mun trening long Is Wes Senta yunivesiti long

Honolulu, Hawaii taim wanpela mun em ol bai wokim long Taipei em kapitel siti bilong Taiwan.

Mista Hu i tok ol samting bai ol i karamapim olsem hap

long trening bilong ol em, ol semina na ol fil visit.

Em i tok ol bin gat 200 applikesen i kam long 15-pela Pasifik Ailan kantri, tasol ol i kisim 25 pipel tasol long wokim dispela PIPL Progam.

Bilong go insait long dispela kos, ol lain i mekim gut long wok bilong ol long gavman, bisnis, environmen, ol NGO. Helt, media, agrikalsa, edukesen na ol narapela eria i ken aplai. Na ol bai glasim, skelim na kisim ol lain long “merit” o sapos ol inapim ol skelim mak bilong ol.

Bikos ol bai ofaim dispela PILP trening long narapela 5-pela yia gen, TTM i singaut long ol kwalifaid yangpela PNG lain lida i gat tupela yia wok ekspirians na ol i gat komitmen long wok insait long Pasifik rijen long putim ol applikesen bilong ol.

Mista Hu i tok Taiwan i wanpela kantri i laikim pis o bel isi pasin na gutpela sindaun na i laik kamapim netwok long ol strongpela lida long Pasifik rijen husat bai helpim long kamapim ol gut-



**WINIM LIDASIP KOS LONG TAIWAN:** (Hankais i go long hansut) Daniel Hu em bos bilong TTM, Jane Puma Awi, Clement Dusava na Bill Minjiku bihain long wanpela bung wantaim ol nius manmeri long tokaut long ol i kisim ol long Pasifik Ailan lidasip trening kos gavman bilong Taiwan i kamapim na sponsaim. **Poto: Veronica Hatutasi**

pela developmen long rijen.

Taim tripela yangpela lida yia i tok tenkyu long TTM long

gavman bilong em i kisim ol

insait long PILP progam, ol i tok taim ol i kam bek, ol bai

yusim ol save ol i kisim long

helpim wok bilong ol narapela, komyuniti na kantri.

# CPL fandim Buk bilong Piknini long Tatana

BUK bilong Pikinini wantaim ol sponsa bilong ol i selebretim brukim graun seremoni long Tatana Ailan, long Nesenel Kapitek Distrik long las wik Fonde.

Long dispela hap bai ol i kirapim wanpela Buk bilong Pikinini laibreri long helpim ol ples lain long gat gutpela edukesen samting bilong skul.

Stop N Sop Supamakem wantaim mama kampani, CPL Grup i go pas long fandim dispela laibreri.

Haus bilong laibreri em Swisalen Embasi long Australia i fandim, na Tatana Araira Yunaitet Sios i givim graun bilong sanapim.

Jeneral Menesa bilong Stop n Sop Supamakem, Mike Taylor, i bin go pas long toktok long ol komyuniti long nid bilong Buk bilong Pikinini.

Em i tok, “Stop n Sop i amamas tru long helpim Buk

bilong Pikinini long edukesen nid bilong ol pikinini long Tatana na ol narapela ples klostu.

Taim ol inap long lainim rit na rait, em i givim ol gutpela sans long groa insait long komyuniti.”

Long makim maus bilong ol komyuniti, Maru Korahi, wanpela komyuniti lida i tok olsem, “Em i bikpela samting na ona long mipela i gat Buk bilong Pikinini laibreri insait long komyuniti bilong mipela. Sios i lukim nid bilong ol pikinini long ol i mas gat kain bikpela helpim olsem dispela laibreri. Em i namba wan taim long dispela kain bikpela samting i sanap insait long Tatana viles.

Komyuniti bilong Tatana i tok tenkyu long gutpela wanbel sapot bilong Swisalen Embesi, CPL Grup na komyuniti lida, Bobby Tau, Heni Madaha, Reveren Sios

Momoru na Reveren Tamasi Eau long mekim dispela dri-man bilong laibreri i kamap ples klia, long helpim ol pikinini bilong komyuniti.”

Dokta Stefan Kloetzli, Deputi Hed ov Mision long Embesi bilong Swisalen long Australia i tok “Lukautim na promotim literesi na edukesen, em i wanpela namba wan wok bilong Swis Developmen Koporesen insait long wol.”

“Olsem na Embesi bilong Swisalen i amamas tru long sapotim dispela projek long kirapim haus bilong Buk bilong Pikinini laibreri long Tatana Ailand. Dispela bai helpim ol PNG pikinini long i gat ol buk bilong kirapim tingting bilong ol long rit. Mipela amamas long luksave olsem dispela projek wantaim Buk bilong Pikinini em i wanpela strongpela ogenaisesen i save sanap strong yet.”



**BRUKIM GRAUN:** Sponsa na lidaman bilong Tatana brukim graun wantaim pik. **Poto: Nicky Bernard**

# K1 milan bai kirapim bikpela Kaugere Haus sik

**Frieda Sila Kana i raitim**

KAUGERE 4 Skwea klinik nau bai kamap wanpela haus sik long Pot Mosbi Saut wantaim K1 milan helpim i kam long Memba bilong Pot Mosbi Saut na Pot Mosbi General Haus sik bot.

Minista bilong Spots na 2015 Pasifik Gems na Memba bilong Pot Mosbi Saut, Justin Tkatchenko i bin tokaut long dispela, long Sande 14 Julai, taim em i bin kamap Kaugere 4 Skwea sios long selebretim 20 yia gutpela wok Living Lait Foa Skwea Sios i bin wokim insait long Kaugere, na ol arapela setelmen long NCD. Na tu, long sampela hap long Sentral Provins na ol narapela provins.



Ol 4 Skwea pasto i pre long Justin Tkatchenko long 20 yia aniveseri

Mista Tkatchenko i tok K500,000 em i kam long ilektoral fan bilong em long

Mosbi Saut, na K500,000 em i kam long tok orait bilong siaman bilong Pot Mosbi

**Poto: Frieda Kana**

Jeneral Haus sik (PMGH), Se Kostas Constantinou, olsem Kaugere em i wanpela

liklik klinik i save wok olsem fida haus sik bilong PMGH.

“Dispela K1 milan em i kam aninit long praivet-pablik patnasip progam bilong nau O’Neill-Dion gavman. Na stori i kamap naispela moa yet wantaim narapela K200,000 wanwan yia em Stimsip kampani i promis long helpim long lukautim tupela dokta insait long dispela haus sik inap long 5-pela yia,” Mista Tkatchenko i tok.

“Dispela wok bilong kirapim haus sik bai pinis long Disemba 2013 olsem na mipela i gat bikpela wok nau long mekim. Bai yumi gat nupela dokta wantaim nupela visen long helpim ol pipel, na mi tok kongretulesens long 20 yia bilong liptimipim nem bilong God na wanem samting yumi mekim long laip bi-

long yumi em i bilong gutpela bilong olgeta lain,” em i tok moa.

Bihain long Mista Tkatchenko i tok aut long dispela gutpela nius, Sinia Pasto bilong Living Lait 4 Skwea sios i askim long prea long em na em i wanbel olsem na olgeta pasto bilong sios wantaim ol misinari pasto i putim han long em na i prea long em bai i go het long mekim ol gutpela wok insait long nesen wantaim strong bilong God.

Minista Tkatchenko i bin kamap long lotu kibung wantaim Eksekutiv Opisa bilong em, Paul Maraga. Stap tu long dispela taim em Honarabel Memba bilong Kiriwina-Goodenough, Douglas Tomuriesa, husat i memba bilong dispela kongrigesen.



# 57 milian pikinini long wol no stap long skul

## ...hap em ol meri

**NUPELA ripot i soim olsem 57 milian pikinini long wol i no go long skul i save stap long ol kantri i gat pait na hevi.**

Ripot we Edukesen Fud na Agrikalsa (EFA) Global Maining Ripot i hap bilong Yunaitet Nensens Edukesen Saientifik na Kalsereel Ogenaisesen (UNESCO), na Save the Children i kamapim, i tok long makim namba 16 bonde bilong Malala Yousafzai em skul pikinini meri long Afganistan we ol Taliban i bin sutim tasol i no dai taim em i wokabaut bihain long skul i go bek long haus.

Ripot i soim olsem ol atoriti i mas mekim samting hariap long putim 28.5 milian pikinini long ol kantri i stap long pait na

hevi na putim ol i go long skul.

Ripot i tok isi isi mak long ol pikinini i no stap long skul i wok long go daun bikos long yia 2008, 60 milian pikinini long wol i sapos long go long skul i no stap long skul. Na long 2011, mak i go daun long 57 milian.

Tasol ripot i tok ol benefit o gutpela samting we dispela isi isi wok go het i kamapim i no go yet long ol woa na trabel eria.

Taitel bilong ripot em "Children battling to go to school" i soim 44 pesen long ol pikinini i stap long eria i gat pait na trabel long en i stap long sab Sahara Afrika, 19 pesen long saut na wes Esia na 14 pesen long ol Arab kantri.

Planti long ol i stap long ol ol

kantri we level bilong pe i stap long namel mak, na ol turangu level mak.

Ripot i tok olsem 55 pesen long ol dispela i no skul em ol pikinini meri na ol i kisim bikpela hevi. Ol i kisim hevi long ol man i repim ol na ol narapela seksuel hevi i save kamap long ol kantri i gat pait, woa na hevi long ol.

"Ol no save wokim ripot long ol bagarap we ol woa, pait na hevi i kamapim," Irina Bokova em bos bilong UNESCO i tok.

Em i tok long intanesenel level na midia tu, ol save lukluk tasol long givim humeniterian helpim kwiktai, o helpim long putim ol lain long hevi long seif ples, kaikai, klos na wara samting na i no lukluk long kos

bilong eduken.

Em i tok long ol turangu kantri we woa, pait na hevi i stap long ol, ol i bagarapim ol skul bilding na antap long dispela, ol driman na samting we ol dispela pikinini i laik kamap long en sapos ol i stap yet long skul.

Ripot i tok humeniterian helpim long eduken i go daun na dispela i no gutpela nius long wanem, i gat moa re-fuji nau, winim dispela long 1994.

"Hap long ol re-fuji em ol pikinini na gutpela piksa em long Siria (Syria) tude. Ol dispela pikinini man na meri i bungim hevi long lainim bilong ol na dispela bai stap long laip bilong ol," ripot i tok.

### Yut, Meri na Famili

**Pastor Barbara Lunge**

### Karim hevi bilong Kraism em i givim gutpela skul

"PLANTI gutpela santu manmeri planti taim i save go insait long bikpela traim. Ol lain i kisim bikpela singaut long mekim bikpela wok i bin kisim skul long kisim pen long bodi." Tok piksa i kam long Bowes, wanpela Kristen raita.

Bikpela samting i gutpela long laip bilong Kristen em i no long i stap fri long pen; em i bilong kamap olsem Kraism. God i save mekim olgeta wok long gutpela bilong yumi na em i save putim ol stia tok long helpim yumi long kamap olsem piksa bilong pikinini bilong em. "Yumi save, God i save mekim olgeta samting i wok wantaim bilong mekim gut long ol man i save laikim God. Em ol dispela man God i tok pinis long kisim bek ol, na em i singautim ol (Rom 8:28-29)."

"Laip bilong Kraism em i bin birua stret long ol strong bilong pasin nogut. Na yumi olsem ol lain i bihainim em, long olgeta hap, ol kain kain hevi i save kamap long mipela, tasol ol i no pinisim tru strong bilong mipela. Planti samting i save paulim tingting bilong mipela, tasol tingting bilong mipela i no bagarap olgeta. Ol man i save mekim nogut long mipela, tasol God i no save lusim mipela. Ol i save paitim mipela na mekim mipela i pundaun, tasol ol i no bagarapim olgeta. Long bodi bilong mipela oltaim mipela i save larim ol manmeri i lukim dai bilong Jisas. Olsem na laip bilong Jisas tu em i save kamap ples klia long bodi bilong mipela." (2 Korin 4:8-10)

God em i no wari long ol man i pilim orait, nogat. Em i wari moa long pasin bilong ol. Wanem samting bai kamapim gutpela pasin? Hevi i save lainim yumi long pasin bilong karim hevi, na pasin bilong karim hevi i save kamapim gutpela pasin (Rom 5:3,4). Taim yumi pundaun aninit long hevi, yumi bai nidim strongpela skul olsem liklik pikinini. God i save givim strongpela skul "bilong gutpela sindaun na bai yumi ken serim stretpela pasin bilong em. Nau olgeta strongpela skul i kam olsem i givim pen tumas na i no pilim nais; tasol bihain em i kamapim pasin bel isi, em i prut bilong stretpela pasin long ol lain husat i kisim trening long em." (Hibru 12:10,11)

Taim yumi save bungim pen, yumi mas stap isi na wet tasol long sotpela taim. "Na sapos pikinini orait, ol i piknini bilong God, wantaim Kraism; Tru tumas sapos yumi karim bikpela hevi wantaim em, bai yumi tu lukim glori wantaim em". (Romans 8: 17) "Maski mi wokabaut long ples nogut na bikpela tudak, mi noken pret long samting nogut, long wanem, yu stap wantaim mi. Mi lukim yu i holim stik ol wasman bilong sipsip i save holim, olsem na bel bilong mi stap isi. Mi no inap bagarap". (Psalm 23: 4)

God bai bringim bek olgeta blesing long yumi taim yumi kamap long lain bilong pinisim trening bilong yumi. "Olgeta samting i kamap long dispela graun i save kamap long taim bilong em yet. God i makim taim bilong yumi man i kamap long graun na taim bilong yumi i dai. Em i makim taim bilong planim kaikai na taim bilong kamautim kaikai. Em i makim taim bilong kilim man i dai na taim bilong oraitim sikman. Em i makim taim bilong brukim ol samting na taim bilong wokim ol samting. Em i makim taim bilong krai na taim bilong lap. Em i makim taim bilong sori na taim bilong singsing." (Eclesiastes 3: 1, 4)

Singim song: Taim Kraism i stap long sip bilong mi, mi ken smail long bikpela win na solwara, i nap em i kisim mi i go kamap long ples.

Sapos yu laik save moa o nidim helpim long prea: Toktok wantaim Wokmeri bilong BIKPELA, Barbara Lunge, Rivers of Grace international Ministries, P. O. Box 3063. Boroko, National Capital District, Papua New Guinea, bm 67331426

## UN Wimen, NCDC na polis wok bung long daunim krait

UN WIMEN wantaim Nesenel Kapitek Distrik Komisn (NCDC) na Royel PNG Polis Konstebuleri i wok wantaim long stopim krait na loa na oda na gutpela sindaun hevi, na mekim Pot Mosbi i wanpela gutpela ples bilong stap

long en.

Ol bin karimaut sampela trening kos long Mosbi long ol eria olsem operesen na edministretiv wok, we ol i ken mekim ol eben o taun i seif ples long stap, daunim pasin bilong seksual vailens, paitim na bagara-

polim ol meri, na rot we komuniti i ken kisim gut ol polis sevis.

As tingting bilong ol UN Wimen Seif Siti Projek long Pot Mosbi em long sapatim wok namel lo ng NCDC, PNG Polis Konstebuleri na ol pipel i stap insait long siti, long noken pret

long ol stilman o bagarap ol inap kisim long taim ol i go long maket.

Gol bilong progrem em long kamapim seif siti taim ol i daunim ol vailens agensim ol meri na ol pikinini meri na strongim ol meri insait long ol maket ples.



**BOMAI MAMA 'TANIM HET':** Dispela ol mama bilong Bomai eria bilong Gumine long Simbu provins i bringim kalsa bilong ol long 'Tanim Het' na singsing i go long Madang na mekim save long samsam long las wik pastaim long LLG ileksen i stat long Madang. Ol i bin bung long kempein haus bilong wanpela kenidet Peter Morgan 'Bomai' klostu long Edmin Kompaun long Madang taun na mekim save long singsing i stap taim Wantok i bungim ol long wanpela Sande nait. Ol mama i penim pes na putim ol kala flaua long het na mekim save long singsing na tanim het i go tulait bruk. **POTO NA STORI: James Kila**



# Soim laik pasin

## ...Ol Madas Yunien lukim ol Laloki siklain

Veronica Hatutasi  
i raitim

LAS Sarere i bin wanpela spesel de we ol Angliken Madas Yunien long Pot Mosbi Daiosis i bin redi gut long en bikos ol i putim pinis insait long progrem bilong ol long dispela yia.

Ol bin go lukim, pre, givim na serim kaikai bilong bodi na long spirituel sait wantaim ol siklain bilong Laloki Saikaitriks Haus sik i stap long Hiritano Haiwe, samting olsem 20 minit draiv long kar ausait long Mosbi siti.

Klostu 40 Madas Yunien memba bilong ol Angliken peris long Pot Mosbi Daiosis i bin redim ol pek lans kaikai, ol sof dring, kodiel na ol klos na blankert samting na givim long ol sik manmeri long dispela haus sik.

Ol mama bilong ol peris olsem Holi Famili, Hohola, Sen Johns Katitrel long taun, Sen Francis Koki, 6 Mail, ATS na ol narapela moa i bin redim ol mumu na aigir kaikai olsem kaukau, taro, kumu na kakaruk na mekim inap long olgeta sikman na ol woklain long Laloki.

Dispela i namba tu wokabout ol Angliken Madas Yunien lain i wokim bihain long namba wan ol i wokim long mun Julai las yia.

"Dispela em namba tu wokabout mipela i mekim i go lukim ol sik manmeri long Laloki Haus sik.

"Long namba wan taim mipela i go long hap long mun Julai las yia, mipela i bin karim pek lans kaikai inap long 97 siklain na 17-pela wok manmeri.

"Long dispela taim, mipela i redim bilong 100 siklain na 17-pela wok manmeri.

"Mipela i lukim olsem i gat nid long ol mama i mekim wokabout i go long Laloki long pre, sea wantaim ol tok bilong God, ol preis singsing na bihain, sindaun na serim kaikai wantaim ol pikinini bilong yumi.

"Sampela famili i no save go lukim ol sik pikinini o hauslain bilong ol, na taim sampela lain i go lukim ol, ol i save pilim amamas olsem i gat sampela lain i tingim na laikim yet ol.

"Tu, mipela i bringim kaikai i narakain long dispela we ol i save kaikaim olgeta de taim mipela i kisim ol gaden kaikai, kumu na abus kakaruk i kam," Presiden bilong Pot Mosbi Angliken Madas Yunien, Louise Werner, i tok.

"Mipela i laik mekim ol pilo tasol nogat na mipela i baime ol blanket na betsit tasol na givim ol. Ples i save kol long nait na mipela i givim ol nupela blanket long ol," Louise i tok.

Bikpela sios trak i bin mekim ron i go na i kam long Laloki tupela taim long kisim ol mama wantaim ol kaikai na ol klos samting.

Laloki Haus sik i gat bikpela spes na tu, ples bilong sindaulong em aninit long



**REDI LONG TEKOV:** Sampela ol Angliken Madas Yunien memba bilong Holi Famili na ol arapela peris long Pot Mosbi Daiosis i redi long kisim ol kaikai na klos samting i go long trak na mekim ron i go long Laloki Haus sik.



**PRE:** Ol Madas Yunien na ol siklain i pre na singim ol preis singsing wantaim.



**GIVIM KAIKAI:** Ol mama i givim kaikai i go long ol siklain.

**KOMYUNITI PILAI:** Ol yangpela i stap arere long Laloki Saikaitriks Haus sik i save pilai olgeta wiken long pilai fil ausait tasol long get bilong haus sik. Ol yangpela i save lukim pilai tu. Taim wanpela yangpela Saikaitriks dokta i stap, ol haus sik lain i bin gat wanpela soka tim we i save pilai insait long dispela ol sosel na komyuniti gem.

**Ol Poto: Terence Hatutasi**



bikpela rentri diwai i gat gutpela ples bilong sindaun malolo na kisim win.

Long dispela hap tasol ol Madas Yunien mama na ol siklain i bung, pre, singim ol preis singsing na bihain, serim lans kaikai.

Ol woklain i lainim ol sit we ol sikman i sindaun long ol na ol Madas Yunien mama i sindaun long gutpela grinpela (Sogeri) gras.

Ples i klin stret na i nogat pipia i plai nabaut.

Long ausait bilong haus sik banis, i gat bikpela fil bilong pilai soka na ragbi, na long Sarere, ol komyuniti long Laloki i wok long pilai i stap.

Long 100 siklain i slip long ol wod, 4-pela em ol meri.

Na planti long ol siklain em ol yangpela sumatin we ol famil na "peer pressure" o bihainim ol poroman hevi i mekim na ol i kisim mariwana

o smuk nogut na ol i sik. Sampela em wari long boipren gelpren, wok presa na tingting planti na wari i mekim na ol i kisim sik long tingting, na ol i stap long Laloki Haus sik.

Long statim sotpela progrem bilong dispela felosip preia bung kaikia, wanpela mama lida i go pas na opim wantaim preia na bihain ol felosip singsing.

Lidamama ya i tokim ol sik manmeri olsem laik pasin i pulim ol mama i kam lukim ol bikos Bikpela i laikim olgeta, na long ai bilong Bikpela, olgeta i wankain.

Long makim ol woklain long Laloki, wokman Matthew i bin tok tenkyu i go long ol Angliken Mama long tingim ol siklain na go lukim, pre na bung kaikai wantaim ol.

Taim em bin tok tenkyu long ol mama long gat lewa we i save tingim ol yangpela bi-

long yumi, em bin tok wokabout bilong ol i bringim amamas i go long ol siklain.

"Wokabout bilong yupela i kam hia tude i apim spirit o tingting bilong ol siklain na sampela long ol bai kamap orait. Yupela i mekim de i gutpela bilong ol sik manmeri, na tenkyu," Matthew i tok.

Saplen bilong ol Angliken sumatin long Yunivesiti long PNG i bin go wantaim ol mama em Pater Reginald Makele, i bin serim tok long laik pasin tu na laik bilong Bikpela long olgeta we i karamapim ol wantaim.

Em bin tok Laloki em i spesel ples we Bikpela i stap long en pinis na em bai bringim hiling i go long ol.

"Spirituel sait i bikpela samting na God i ken mekim kamap olgeta samting we yumi ting em i hatpela," Pater Reginald i tok.



**STORI TASOL**  
wantaim  
Fr Paul Liwun

## Misa bilong hiling

LONG Tunde Julai 4, 2013, Pater Vergese bilong lain Vincensian i wok long Pet (Perth) long Wes Australia i bin wokim misa lotu bilong Hiling long Sen Michael Katolik Sios long Hanuabada.

Taim Sister i askim mi long wokim tok save long Sande, mi nogat bilip olsem planti manmeri bai kam na bihainim dispela lotu bikos tripela yia mi stap peris pris nau, mi no lukim intres bilong manmeri bilong Hanuabada long karismatik preis na worsip.

Long 6 kilok apinun, lotu i stat wantaim preis na worsip we wanpela lei man, Joseph, bilong Singapore i go pas long en.

Bihain long tripela singsing bilong preis na worsip, mi joinim Pater Vergese na ol alta boi na girl i wokabout i go long nupela alta bilong sios.

Mi kirap nogut tru taim mi lukim planti tru manmeri i pulumapim haus lotu.

Sampela i kam wantaim man o meri, o brata o susa bilong ol i gat kain kain sik bilong ol yet. Pater Vergese i tokaut long amamas bilong em long wokim santu misa bilong hilim wantaim mipela.

Em i tok; "Long olgeta hap bilong wol mi go long en, planti manmeri i save kam na joinim preis na worsip na lotu bilong hiling, i no long Hanuabada tasol. Bikos planti manmeri igat kain sik bilong ol. Sampela i sik long bodi, tasol moamoa yet igat sik bilong spiritual laip bilong ol".

Olsem na long statim lotu, Pater i salensim olgeta manmeri long luksave gut wanem kain spirituel o fisikel sik bilong ol na ol bai putim wantaim na askim God long hilim sik bilong ol. Spirituel sik em "pasin bilong prèt, antap pasin, jeles, kros na i no laik kamap wanbel na kain kain spiritual sik i save bagarapim laip bilong yumi".

Em i salensim moa moa yet long putim dispela askim: "Bilong wanem yumi pret. Planti hap bilong Olpela Testamen Baibel na Gutnius i soim yumi olsem God i save stap insait long yumi na em i protektim yumi olgeta taim long long de/long san na long nait.

"Sapos yumi tingim dispela tok olgeta taim, yumi bai i no pret moa. Bilong wanem yumi prèt long puri puri na sanguma? God i lukautim yumi olgeta taim. Yumi no putim God i go pas long laip bilong yumi. Yumi putim puripuri na sanguma i go pas. Dispela tingting i mekim yumi sik. Tude, yumi larim God i bosim yumi. Em i ken rausim olgeta pret pasin bilong yumi na mekim yumi kamap strong long bilip bilong yumi i go long em".

Bihain long prea bilong pinisim Santu Misa, mipela i wokim adoresen wantaim Bleset Sakramen. Pater i askim olgeta i putim tingting na bel i go long Jisas i stap long Blessed Sakramen, ofaim olgeta sik na wari i go long em. Olgeta i singsing na presim Jisas.

Bihain long benediksen, Pater i wokim prea bilong hiling. Em i wokim tripela prea bilong kain kain sik.

Planti manmeri i wokim testimoni bilong ol, olsem ol i kisim hiling bilong God long prea bilong Pater. Wanpela meri i wokim testimon olsem: "Mi no save nildaun long taim bilong lotu, bikos skru bilong mi i pen nogut tru. Tasol nau mi inap long nildaun na mi no pilim pen moa".

Bihain long lotu, planti manmeri i tok, "i mobeta yumi gat moa long dispela kain sevis long peris bilong yumi. Bikos yumi eksperimensim stret pawa bilong Hiling bilong God i wok insait long yumi. Lotu na testimoni bilong manmeri long lotu bilong Hiling i strongim bilip bilong yumi tu".





SOIM KALA: Stet ov Orijin gem namba tri i bin lukim ol ragbi lig sapota long PNG, na long Australia yet i soim kala bilong Blus na Maruns.

(Melbourne) long Fraide moning, husat i bin toktok wantaim wanpela man insait long dispela bot, husat i tok ol i stap long trabel.

Wanpela sip bilong Kastoms ol i salim i go halivim faivpela aua long bihain.

Bipo Australia Ambeseda, Tony Kevin, i tok ol laip i stap long han bilong birua, bikos long tingting olsem ol i no save trastim ol singaut bilong halivim i kam long ol asailam sika.

**Australia polis i tok PNG i no toksave long ol fisaman i lus**

OL polis bilong Kwinslen (Queensland) i tok Papua Niugini gavman i no bin tokim ol gut olsem sevenpela pisaman bilong PNG i bin lus long solwara long Tores Stret.

Ol polis i tok tenpela pisaman bilong Daru Ailan i bin go long Warrior Rip long Tores Stret long Jun 30 long painim pis.

Bot bilong ol i bin kapsait na tripela long ol i bin swim na go bek long PNG, we ol i bin tokim ol atoriti long hap long dispela birua.

Sevenpela long ol nau i wok long lus yet.

Ol polis long Kwinslen, ol i no bin save long birua inap long Fraide long wiki go pinis, na bihain ol i salim ol opisa bilong ol long go painim ol dispela pipel.

Tasol Inspekta David Lacey i tok planti taim i lus pinis bilong painim ol dispela pipel.

Em i toktok i kam long reskiu kodinesen senta long Kenbera (Canberra), i tok olsem ol dispela pipel i lus long moa long tupela wik nau, na bai hat long painim ol stap laip yet, olsem na ol i stopim pinis ol wok bilong painim ol.

Em i tok tu olsem ol i no save gut yet sapos ol dispela pipel i bilong Papua Niugini, o bilong Tores Stret, tasol i luk olsem ol i kam long Daru ailan long PNG.

Ol lida bilong Tores Stret i tok sevenpela pipel bilong PNG i bin lius na ating ol i dai pinis long solwara, tasol nogat wanpela politisen i mekim wanpela toktok long birua.

Ol i tok sapos sevenpela fisaman i bin lus long solwara long Brisben, Sidni, o Melbon, em nius bilong ol bai go het yet.

**PNG LNG mani bai kamapim wari**

I GAT wari olsem mani em LNG Projek bai kamapim inap mekim PNG mani Kina i strong, na dispela bai no inap gutpela tumas long ol bisnis.

Wantaim bikipela mani i kam long LNG Projek klostu bai kamap, i gat ol tingting wari i wok long kamap nau olsem sampela ol indastri o wok bisnis long PNG bai bilong wari long bisnis bilong ol.

Dispela em i toktok bilong eksekutiv dairekta bilong Institut bilong Nesenel Afes long Papua Niugini, Paul Barker.

Mista Barker i tok ol wari em i toktok long ol em taim LNG projek i stat kamapim mani, dispela bai mekim PNG mani kina, bai strongim veliu bilong en, na dispela i no gutpela long ol kain bisnis olsem turisim, wok didiman, na ol arapela sevis provaida.

Wok didiman o agrikalisa i bikipela wok tru long PNG, we em i save helpim klostu olgeta pipel long ol rurel eria.

Paul Barker i tok olsem gavman i mas was gut

olsem mani long LNG ges projek i strongim PNG kina, dispela bai kamapim hevi long ol pipel.

Em i tok tu olsem gavman i mas traim long yusim gut ol mani long LNG projek long stretim ol wok olsem rot, trenspot, em i ken helpim gut ol pipel.

**Taifun long Saina i kilim tripela pipel na 500 tausen i lusim ples**

TAIFUN Souliki hamarim Isten Saina na kilim tripela pipel na ol atoriti i kisim na halivim 500 tausen pipel long lusim ol ples bilong ol na go long ol sef ol ples.

Dispela taifun i bin hamarim tu Taiwan long Fraide las wik, na kilim tupela pipel na moa long 100 ol narapela i bin kisim bagarap.

Gavman niuspepa bilong Saina, Xinhua nius ejensi, i tok olsem dispela birua long Guangdong provins, we moa long 250 milimita bilong ol ren i bin pundaun insait long tupela ten o twenty awa tasol.

Taifun Soulik i bin hamarim tu Fujian provins

wantaim 118 kilomita long wanwan awa, tasol strong bilong en i bin go daun likk taim em i bin ron i go long bikipela Saina.

Ol atoriti bin halivim long rausim moa long 500,000 pipel i lusim ol haus bilong ol long ol provins bilong Fujian na Zhejiang, pastaim long dispela taifun i bin kamap.

Ol i stopim ol balus, ol sip, na ol tren long noken ron long olgeta hap bilong dispela tupela provins.

**Ol Solomon Ailans Nesenel Tisa i no wari long gavman woning**

SOLOMON Ailans Nesenel Tisas Asosiesen (SINTA), i tok em i no wari sapos gavman i pinisim em olsem wanpela Tred Yunion.

Dispela toktok bilong ol i kamap bihain long gavman i bin tok lukaut olsem gavman bai pinisim Nesenel Tisas Asosiesen long wanem ol i wok long mekim ol stopwok long pe.

Gavman i bin odarim ol

long go bek long wok, tasol ol tisa i tok straik em ol i bin statim bai go het inap gavman i stretim wari bilong ol.

Ol i tok planti memba bilong Asosiesen i no kisim yet ol nupela pe bilong ol em gavman i bin givim ol tok promis long beim ol long mun Epril.

Dispela pe rais em gavman i bin promis long apim pe bilong ol tisa long en i stap olsem \$40 milian dola.

Gavman i tok olsem em i mas oraitim pastaim wanpela saplimentari baset, orait, em i ken peim ol nupela pei mak i go long ol tisa.

Samson Faisi, Presiden bilong Solomon Ailans Nesenel Tisas Asosiesen, i tok gavman i wok long mekim planti giaman toktok tasol.

Em i tok tu olsem ol i gat planti kain samting em ol i ken mekim, na maski long sindaun wetim dispela saplimentari baset.

Mista Faisi i tok ol i bin stopim ol wanem kain toktok wantaim gavman long dispela wari bilong ol long Jun 26 long dispela yia.

**Australia i stopim wok-painim long ol asailam sika i lus long solwara**

OL atoriti bilong Australia i pinisim nau ses o wok painim long ol lain husat i stap laip yet long wanpela asailam sika bot i kapsait long solwara klostu long Krismas Ailan long las wik Fraide nait.

Australia Maritaim Ses na Reskiu Atoriti (AMSA), i tok ol i stopim wok painim long wanem em i luk olsem em i hat long ol i lukim sampela i laip yet.

Wanpela bebi boi i bin dai na etpela pipel i lus yet, na ol atoriti i sevim 88 pipel we ol i kisim go long Christmas Ailan.

Ol Kastoms, Nevi, Efes, sampela praivet balus ol i satarim, na wanpela praivet sip nau i bin mekim dispela wok painim.

Ol i tok Australia Federal Polis i kisim namba wan singaut bilong halivim i kam long wanpela man Melbon

Pacific BEAT Listen to Radio Australia 101.9FM Port Moresby 4. 5. 6am & 4pm. 5pm including sport Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



# Wok hevi ken kilim man

**HEVI bilong wok, em i ken kilim man tu.**

Dispela wik, midia indastri, wantaim Loa na Jastis Sekta long kantri i lusim wanpela gutpela man.

Dispela man em i Joe Kanekane.

Mista Kanekane, husat i wanpela niusman, i bin holim planti bikpela wok. Em i bin dairekta bilong Loa na Jastis Sekta Sekreteriet, na tu, em i bin Presiden bilong Midia Kaunsil bilong PNG, na Siaman bilong PNG Sensasip Bod.

Ol wok Leit Kanekane i bin holim, em i no winim nating.

Save na wok pasin, na moa yet, trupela bel na stretpela wok pasin bilong em i bin opim rot bilong em long kisim ol dispela luksave.

Tasol Leit Kanekane, wankain olsem planti ol arapela bikmanmeri bilong yumi, i lusim graun pinis, i bin gat wankain hevi.

Hevi bilong wok.

Ol kain sik olsem dispela i kisim Leit Joe Kanekane, em i no nupela samting long kantri bilong yumi.

Planti strongpela manmeri i lus pinis long ol wankain birua sik. Senis long dispela kain sik em i kamap nau long namba bilong ol manmeri i wok long pundaun long hevi bilong wok na wari i wok long kamap long ol yangpela manmeri tude. Bipo, i no olsem.

I nogat wanpela loa o leba polisi, we i lukluk stret long hevi bilong wok.

Dispela wok nau i stap long han bilong wanwan ol wok manmeri bilong yumi, ol wok kontrak ol i gat wantaim ol bosmanmeri bilong ol, na rot ol i ken bihainim long kisim inap malolo long wok.

Sapos dispela luksave i no stap nau, orait, i mas kamap kwik.



Efos 1 balus bilong Royal Australian Airforce i bin pundaun long Jacksons ples balus namba tu taim insait long tupela mun.

Nupela PM, wankain tok-luksave, raun bilong strongim nem LONG Sande apinun, Efos 1 balus bilong Royal Australian Airforce i bin pundaun long Jacksons ples balus namba tu taim insait long tupela mun.

Dispela balus i em balus i save karim praim minista bilong Australia raun.

Long mun Me tasol, dispela balus i kam pundaun na Julia Gillard i bin kam daun olsem PM.

Klostu tupela mun bihain, RAAF Efos 1 i pundaun gen long Jacksons, tasol dispela taim, Kevin Rudd i wokabaut i kam daun.

Taim Gillard i bin pundaun long Mosbi, em i luk olsem em i seksek

liklik. Bihain long tupela de lukluk raun long kantri, em i bin senis, na amamasim wokabaut bilong en.

Tasol kamap bilong Mista Rudd i narakain olgeta. Em i olsem wanpela asples i kam bek gen.

Mipela i luksave olsem em i mas strongim nem bilong nupela gavman bilong en i go insait long nesenel ileksen bilong ol dispela yia.

Em i kamap na i no isi long strongim ol tok-wanbel wantaim praim minista bilong yumi.

Namba wan samting we i kamap pinis, em wanpela lain bilong ol PNG pasindia i go insait long Australia. Dispela, ol Australia i tok, bai halivim tru ol PNG manmeri i save go kam long Australia long wok

bisnis.

Long sait bilong visa, em ol bikpela astingting long taim Gillard i bin kam strongim, em Rudd i kam strongim na tok klia long en tasol.

Mipela i bel-kirap long lukim namba wan 50 polismanmeri bilong Kwinslen i kam long kantri na givim stia long ol polismanmeri bilong yumi.

**Givim wok long ol soldia**

SAPOS yu wanpela soldia, polismanmeri o koreksenal sevises opisa, yu karim save, nem, na piksa bilong kantri.

Yupela em kala bilong kantri Papua Niugini.

Watpo bai yu bagarapim nating

ol pipel bilong yu?

I gutpela ol soldia husat i bin asua na kamapim bikpela bagarap long ol sumatin na skul bilong medikal saienses, i mas kisim mekimsave.

Ating planti ol lida bilong yumi i givimi tingting pinis long traim abrusim ol dispela kain hevi we i pas nau long nem PNGDF.

Namba wan i kamap, em long givim ol soldia bilong yumi sampela kain wok bilong mekim, bai ol i bisi, na i no sindaun nating na painim bia. Dispela i save kamapim trabel olgeta taim.

I mobeta ol i mekim wok na yusim save ol i gat long strongim kantri bilong ol.

# Planti kirap nogut long dai bilong LJS Dairekta

DAI bilong Dairekta bilong Loa na Jastis Sekta (LJS) long PNG, Koe Kanekane i mekim planti pipel i kirap nogut na wari tru.

Mista Kanekane i bin dai long las Sande nait long maining taun, Tabubil, Westen Provins we em bin go mekim sampela wok las wik.

Em bin dai long "Hatek" o lewa i bungim hevi.

Ekting Polis Komisina na Sif bilong Polis Operesen, Simon Kauba MBE QPM, i makim Polis Konstebuleri long PNG, i salim bikpela tok sori i go long famili na ol haus lain bilong nau i dai, Mista Kanekane.

Mista Kauba i tok LJS long PNG i kirap nogut tru long harim dai bilong Mista Kanekane bikos em no bin



Leit Joe Kanekane i kirapim planti long dai bilong em...

taim yet bilong em long lus.

Mista Kauba i tok taim Mista Kanekane i Dairekta bilong LJS progrem long PNG, em bin wok gut tru na kamapim gutpela na strongpela netwok na wok bung namel long ol patna na sekta ejensi long lukim olsem jastis i ron gut long PNG.

Em i tok Mista Kanekane i wok gut tru na karimaut gut wok wantaim olgeta bos bilong ol dipatmen long sekta aninit long Nesenel Konsaltativ Mekanisim (NCM) we polis komisina i memba long en.

"Mipela i kirap nogut tru na sori long dai bilong em, na pre bai God i givim bel isi i go long famili bilong em," Mista Kauba i tok.

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500  
Websait: [www.wantokniuspepa.com](http://www.wantokniuspepa.com)  
Pe bilong wanpela yia, 52 niuspepa

**Pe bilong wanpela yia 52 niuspepa**

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

**General Manager**  
Elizabeth Konga

**Editor**  
Neville Choi

**Pt Section Office 2**  
Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



# WOL NIUS LONG POTO...



**Maunten paia long Kalifonia:** WANPELA kapten i wok menesim wangepa Kalifonia Dipatmen bilong Koreksens, kalabus wokman kru, i lukluk long maunten i paia long lain diwai. Dispela ol maunten paia i napim 4700 acre. Tupela bilding i pundaun pinis na ol paia paitman kru i wok long pait wantaim paia na win wantaim.

**Sapot yet:** WANPELA sapota bilong bipo presiden Mohamed Morsi i soim sapot yet long Oktoba 6 Bris long Sentral Kairo. Ol raiot polis i paiarim tia ges i go long ol protes lain, bihain long ol i laik traim pasim bris.

**Yao stap yet:** BIPO biknem basketbol sta bilong Saina, Yao Ming, i sanap kisim piksa wantaim ol memba bilong Sangai (Shanghai) divisen bilong ol US Marin soldia long makim namba 237 Anivesari bilong Indipendens bilong Yunaitet Stets ov Amerika long US Konsulet long Shanghai, Saina.

**Las wan :** OL PIPEL i sanap lain long Sentral Telegraf Opis long Kolkata, India dispela wik long salim ol las telegram i go aut. Telegram sevis bilong kantri i pas long Mande disela wik bihain long em i wok 160 yia. Nau nogat planti manmeri save yusim, na ol pasim dua long en.



**Stap olgeta hap:** PES bilong Presiden Barack Obama i stap long olgeta hap long makim kamap bilong em long Tanzania.



**Stap olgeta hap:** PES bilong Presiden Barack Obama i stap long olgeta hap long makim kamap bilong em long Tanzania. Ol meri i werim dispela ol sket i gat pes bilong Obama long en.



**Toktok long smuk:** ENVAIROMEN Minista bilong Singapore, Vivian Balakrishnan (Iephan) i toktok wantaim Envairomen Minista bilong Indonesia Balthasar Kambaya long Sab-Rijenal Ministerial Stiarng Komiti long Transbaudri Hes Polusen long Kuala Lumpur dispela wik. Ol envairomen minista bilong Malesia, Brunei, Indonesia, Singapore na Tailen i bung long Trinde long toktok long birua smuk bilong paia i save bagarapim ples olgeta yia.



**Obama raun long Tanzania:** U.S. Presiden Barack Obama i sekan wantaim ol lain meri i sanap long tok welkam long en. Em i wokabout wantaim Presiden bilong Tanzania, Jakaya Kikwete, long Dar es Salaam long Mande dispela wik. Presiden Obama i tokaut long nupela wokbung na wanbel namel long tupela kantri, na ol halivim Amerika i ken givim long ol kantri long Afrika.





Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta
2pm - 6pm - Sarere Avinun Cruz

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op

TUNDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op

TRINDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op

FONDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op

FRAIDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Wantok

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Femili Blong Serah (Redio Plei)

Raun wantaim Wantok kru ...

Pani tasol givim skul



Nicky Bernard i raitim

PANI pilai long givim tok-save em bikpela samting nau long ol kampani husat save go mekim awenes long ol sik, dring stim, smok mariwana na planti ol samting olsem save bagarapim komuniti.

Watete grup, em wanpela pani grup bilong Mosbi, dispela grup save mekim ol pani pilai bilong ol long mekim ol manmeri

na pikinini lap.

Ol bin stat liklik tasol long bipo, ol tripela baga ros ya save go raun na taim planti manmeri bung, ol tripela save bilas na mekim liklik pilai bilong long mekim ol manmeri lap, bihain ol save kisim long koleksen long ol manmeri.

Dispela pilai bilong ol tripela save pulim ai, iyau na pes bilong ol manmeri long wanem hap ol pilai ekt long en.

Dispela nem bilong ol Watete nau i pairap bikpela moa yet, na planti bilong ol bikpela kampani save askim ol long go pilai long mekim ol manmeri lap.

Sampela ol kampani husat laikim ol tripela long mekim toksave awenes pilai bilong ol go long ol pablik, ol dispela tripela baga ros ya save mekim klia dispela toksave awenes long pilai bilong ol na ol pablik save kisim

gut tru.

Long Mun i go pinis, ol lain bilong Nakotiks Buro bin makim de bilong noken kisim smok nogut olsem mariwana, na ol go raun mekim awenes tok-save long ol yangpela manmeri, ol askim dispela Watete grup long go wantaim ol long mekim tok-save pilai go long ol manmeri na pikinini.

Dispela pilai awenes bilong ol bin kam gut tru, planti bilong ol yangpela

long ples ol go long en bin kisim gut toksave kam long dispela pani grup Watete. Maski e mol putim long pani na planti manmeri na pikinini lap tasol ol bin kisim mining bilong pani pilai bilong ol.

Ol dispela tripela lain nau i mekim liklik grup bilong go bikpela liklik taim meri bilong wanpela bilong ol kam joinim ol, na ol kampani tu nau i wok long resis long kisim ol long mekim awenes bilong ol.

EMTV Television Guide

FONDE JULAI 18, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:00 AM G TODAY
6:00 AM G CLASSROOM BROADCAST

6:00 PM G EMTV NATIONAL NEWS
7:00 PM G RAIT MUSIK - EP#170
8:00 PM G RESOURCE PNG EP#80
9:00 PM G SOKA XTRA EP#81
9:08 PM G HOT SPOT EP#23
9:30 PM G ELITE MUSIC ZONE EP#24
10:00 PM G NRL FOOTY SHOW
11:30 PM G NEWS REPLAY

FRAIDE JULAI 19, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:30 AM G TODAY
09:00 AM CLASSROOM BROADCAST
9:00am Grade 7 Mathematics
9:50am Grade 7 Science
10:40am Grade 8 Mathematics

11:20am Grade 8 Science
1:00pm Grade 6 Mathematics
1:50pm Grade 6 Science
2:30pm DEPI Program
3:30 PM G KIDS KONA
3:30 PM HI 5 - SS EP#19/33
4:00 PM - MAGICAL TALES
4:30PM FOREIGN EXCHANGE #26 (Finale)
5:00 PM G KITCHEN WHIZ EP#32
5:30 PM G LAST MAN STANDING EP#10/24
7:00 PM G IN MORESBY TONIGHT - EP#23
7:30 PM G NRL ROUND 19
WEST TIGERS vs. WARRIORS
9:30 PM G EMTV NEWS REPLAY
.....followed by the Australia Network

SARARE JULAI 20, 2013

4:57 AM G AUSTRALIA NETWORK
6:30 AM G EMTV NEWS REPLAY

7:30 AM G U/GUINNESS WOR/RECORD #31
8:00 AM G YOGA SUTRA Ep#17 Rpt.
8:30 AM G AUSTRALIA NETWORK
9:00 AM G TOTALLY SPIES EP#11 - Repeat
9:30 AM G DANI'S HOUSE EP#11Repeat
10:00 AM G SKILLICIOUS YR.2 EP#3
10:30 AM G TRAPPED EP#11 - Repeat
11:00 AM G LAST MAN STANDING EP#
11:30 AM G AUSTRALIA NETWORK
5:30 PM G OLSEM WANEM Ep#25
6:00 PM G EMTV NATIONAL NEWS
6:30 PM G NRL ROUND 19
8:30 PM G NRL ROUND 19
10:30 PM G EMTV NEWS REPLAY
.....followed by the Australia Network

SANDE JULAI 21, 2013

4:57 AM G AUSTRALIA NETWORK
6:00 AM G EMTV NEWS REPLAY

6:30 AM G IT IS WRITTEN "The Ultimate Space Journey"
7:00 AM G HILLSONG - Ep#858
7:30 AM G JOSEPH KINGAL MINISTRIES
8:00 AM G YOGA SUTRA Ep#18
8:30 AM G BUSINESS PNG# 26 Rpt.
9:00 AM G MARTIN MYSTERY EP#30
9:30 AM G OLSEM WANEM- Ep# 26 Repeat
10:00 AM G RESOURCE PNG - Ep# 80 Repeat
11:00 AM G ITALIAN KHANNA - EP#3 "Italian Bhandar"
11:30 AM G A/THE WORLD IN 85 PLATES
12:00 PM G AUSTRALIA NETWORK
2:00 PM G NRL ROUND 19
PANTHERS vs. KNIGHTS
4:00 PM G NRL ROUND 19
SEA EAGLES vs. TITANS
6:00 PM G EMTV NATIONAL NEWS
6:30 PM PGR PACIFIC WAY S8 - EP#5
7:00 PM G TOK PIKSA EP#27



# TORO



# BIABIA



# KANAGE



# TOKWIN

## Dai bilong Dairekta LJSS na Presiden bilong Media Kaunsol i karim planti tingting..

Bikpela sore na wari i kamap nau long dai bilong Presiden bilong Media Kaunsol na Dairekta bilong LJSS, Joe Roger Kanekane MBA. Em bin dai long Tabubil taim em i raun i go long hap.

Bikpela belsut na kra i kamap long hauslain bilong dairekta long Rainbow Estet we Joe i lusim femili bilong em long

Mande na go raun long Tabubil. Em bin stap wanwik tasol long hap na bai kam bek long dispela wik Mande, tasol em i pilim sampela pen long bodi bilong em na tokim liklik brata bilong em, Peter Kanekane long karim em i go long hausik na em i dai long hap..Joe em i wanpela fit man na strongpela man long wok na tingting, planti gutpela tingting long kirapim wok na bisnis, long Epril tasol long dispela yia, Joe em i greduet long Yunivesti long Mastas ov Bisnis Edministresen (MBA)..Em i gat bikpela visen long kirapim sampela gutpela ol bisnis tingting na kirapim wok.

Dispela tingting i stap long agenda bilong em long bihaintaim, ol dispela toktok em i bin kamapim taim ol i lonsim Yunivesti MBA Alumnai long dispela yia tasol.. Joe em i masta ov seremoni long dispela nait na em i mekim planti tok kirap long kamapim bisnis. Turangu ol dispela tingting i kat sot tasol long Tabubil we em i mekim wanpela praivet trip long Mande laswik na dai tasol nogat bikpela sik long Sande bipo i laik kambek long Mosbi... Gutbai Brata Joe, Silip malolo!

**Bamahuta egu brada! JW Tokwin Tasol...**

Long yupela ol gutpela *Wantok* rida i save wokim ol Sudoku kroswod pasel, dispela em nupela SUDOKU. Long solvim Sudoku pasel, putim wanpela namba long wan wan bokis na olgeta ro sedem akros, daun, na olgeta liklik 9-pela bokis skwea long bikpela daigrem o bokis (i gat 9-pela olgeta) bai gat ol namba long 1 inap long 9. Wanpela namba i mas kamap wanpela taim tasol long wanpela ro. Wok wantaim ol namba olsem gaid o stia na wok long pinisim wan wan daigrem wantaim ol missing namba we bai mekim yu painim solusen. Tenkyu na gutpela pilai

### STATIM PILAI

Lukluk long namba 9 kolom, bilong pasel piksa i stap long han kais. i gat ol sain insait long pasel bai i ken toksave long wanem hap insait long dispela kolom bai namba 3 i go.

Nambawan sain i stap long namba 8 kolom insait long piksa. I gat wanpela namba 3 insait long namba 5 bokis. Bai yumi i no i nap long putim wankain namba tupela taim insait long wanpela 3 x 3 bokis eria, olsem na yumi bai i no i nap putim namba 3 insait long bokis namba foa, faiv o siks insait long namba 9 kolom.

Yumi ken rausim tu tripela bokis daunbilo tru long namba 9 kolom bikos i gat wanpela namba 3 insait long dispela 3 x 3 bokis eria tu. Olsem na dispela namba 3 i mas go long namba 2 o 3 bokis bilong namba 9 kolom.

Laspela sain nau i stap insait long namba 2 lain bilong piksa na em i gat wanpela namba 3 pinis long en. Loa bilong pilai i tambu long wanpela namba i kamap tupela taim insait long wanpela lain, olsem na i gat wanpela bokis tasol nau i stap long dispela namba 3 i go insait — em namba 3 bokis bilong namba 9 kolom.

Bihainim dispela stail na wankain tingting na rausim i nap ol pasel bokis i pulap olgeta. Sapos yu laik save moa long insait bilong dispela pilai, yu ken go long webait long penny-dellpuzzles.com.

EXAMPLE

	7	9				1
2	3	8			6	7
	6		2	7		
7	8		5			
5	2		6		3	
			1		9	5
		6	3		8	
8	4			9	2	1
2				1	3	

EXAMPLE SOLUTION

8	4	7	9	6	3	5	2	1
1	2	3	8	4	5	6	7	9
5	9	6	1	2	7	4	8	3
9	7	8	3	5	4	1	6	2
4	5	1	2	9	6	7	3	8
6	3	2	7	1	8	9	5	4
7	1	9	6	3	2	8	4	5
3	8	4	5	7	9	2	1	6
2	6	5	4	8	1	3	9	7

### Ansa bilong las wik SUDOKU

5	4	1	8	2	3	9	7	6
8	7	9	6	1	5	2	3	4
6	3	2	7	4	9	8	1	5
9	5	8	2	3	4	7	6	1
1	6	4	5	9	7	3	2	8
3	2	7	1	8	6	5	4	9
7	8	5	3	6	1	4	9	2
4	1	3	9	5	2	6	8	7
2	9	6	4	7	8	1	5	3

	8	7			9	5	3	
		6	3					
3	5					8		4
7	3			9	1			8
	4						1	
2			7	8			5	3
6		2					8	1
					6	7		
	9	3	8			4	2	

Ansa bilong SUDOKU long neks isu.

# EMTV Television Guide

7:30 PM G <b>60 MINUTES – EP#22</b>	3:30 PM G <b>KIDS KONA</b>	6:30 AM G <b>TODAY</b>	followed by the Australia Network	4:30PM <b>FOREIGN EXCHANGE #24 (Comedy)</b>
8:30 PM PGR <b>SUNDAY NIGHT MOVIE</b>	3:30 PM <b>HI 5 – S5 EP#15/33</b>	9:00 AM <b>CLASSROOM BROADCAST</b>		
10:00 PM G <b>HILLSONG Ep#858 Rpt....</b>	4:00 PM – <b>MAGICAL TALES</b>	9:00am Grade 7 Mathematics	<b>TRINDE JULAI 17, 2013</b>	5:00 PM G <b>TRICKY TV #14</b>
10:30 PM G <b>NATIONAL EMTV NEWS – Replay</b>	4:30PM <b>FOREIGN EXCHANGE #22 (Comedy)</b>	9:50am Grade 7 Science		5:30 PM G <b>SKILLICIOUS S2 – EP#3</b>
.....followed by the Australia Network	5:00 PM G <b>KITCHEN WHIZ Ep#29</b>	10:40am Grade 8 Mathematics		5:57 PM G <b>CRIME STOPPERS</b>
<b>MANDE JULAI 15, 2013</b>	5:30 PM G <b>TOTALLY SPIES EP#11</b>	11:20am Grade 8 Science	4:57 AM G <b>AUSTRALIA NETWORK</b>	6:00 PM G <b>EMTV NATIONAL NEWS</b>
	“Spy Gladiators”	1:00pm Grade 6 Mathematics	<b>JOYCE MEYER</b>	7:00 PM G <b>TBA</b>
4:57 AM G <b>AUSTRALIA NETWORK</b>	<b>CRIME STOPPERS</b>	1:50pm Grade 6 Science	<b>EMTV NEWS REPLAY</b>	8:00 PM G <b>STATE OF ORIGIN – GAME III</b>
5:00 AM G <b>JOYCE MEYER</b>	<b>EMTV NATIONAL NEWS</b>	2:30pm DEPI Program	<b>TODAY</b>	<b>NSW vs. QUEENSLAND</b>
5:30 AM G <b>EMTV NEWS REPLAY</b>	7:00 PM G <b>NRL ROUND 18</b>	3:30 PM G <b>KIDS KONA</b>	<b>CLASSROOM BROADCAST</b>	– ANZ Stadium
6:00 AM G <b>TODAY</b>	COWBOYS vs. SEA EAGLES	3:30 PM <b>HI 5 – S5 EP#17/33</b>	Grade 7 Mathematics	10:00 PM G <b>TOK PIKSA Ep#26 – Repeat....</b>
6:00 AM G <b>CLASSROOM BROADCAST</b>	9:00 PM G <b>COCA-COLA SPORTS SCENE</b>	4:00 PM – <b>MAGICAL TALES</b>	Grade 7 Science	11:30 PM G <b>NEWS REPLAY.....</b>
9:00am Grade 7 Mathematics	9:30 PM G <b>EMTV NEWS REPLAY</b>	4:30PM <b>FOREIGN EXCHANGE #23 (Comedy)</b>	Grade 8 Mathematics	followed by the Australia Network
9:50am Grade 7 Science	.....followed by the Australia Network	5:00 PM G <b>KITCHEN WHIZ Ep#30</b>	Grade 8 Science	
10:40am Grade 8 Mathematics	<b>TUNDE JULAI 16, 2013</b>	5:30 PM G <b>DANI'S HOUSE YR1 – EP#11</b>	1:00pm Grade 6 Mathematics	
11:20am Grade 8 Science		6:00 PM G <b>EMTV NATIONAL NEWS</b>	1:50pm Grade 6 Science	
1:00pm Grade 6 Mathematics	4:57 AM G <b>AUSTRALIA NETWORK</b>	7:00 PM G <b>HAUS &amp; HOME EP#23</b>	2:30pm DEPI Program	
1:50pm Grade 6 Science	<b>JOYCE MEYER</b>	8:00 PM G <b>BUSINESS PNG – Ep#26</b>	3:30 PM G <b>KIDS KONA</b>	
2:30pm DEPI Program	5:00 AM G <b>EMTV NEWS REPLAY</b>	8:30 PM PGR <b>BODY OF PROOF Ep#4</b>	3:30 PM <b>HI 5 – S5 EP#18/33</b>	
		9:30 PM G <b>EMTV NEWS REPLAY.....</b>	4:00 PM <b>TBA</b>	

Ol Progam na Kilok i ken tenis oltaim...



# Kikboksing sempion kisim sapot long lokol memba

**Sape Metta i raitim**

**B**EL i save ring, i no insait long boksing ring tasol, em i save ring long tingting bilong ol manmeri long taim ol i harim nem Unggai/Bena husat em wanpela long etpela distrik long Isten Hailans.

Na long wanem as, mipela i ken askim.

Tru tumas dispela nem Unggai/Bena i save bringim pret long ol man-meri long wanem, ol i save gut tru long pasin bilong birua na traibol pait bilong ol lokel pipol long dispela distrik we i bin go het i nap moa long tenpela krismas.

Tasol nau yet planti pasin na samting i senis – na planti gutpela samting i wok long kamap long las tupela yia. Na tok amamas na tenkyu i mas i go long lokel MP na memba Benny Allan husat i bin kamapim stop pait na pis program, we i lukim planti ol paitman i putim daun ol pait samting na go bek long wok hat long kisim bek nomol laip bilong ol, long wanem, ol tingting long ketsap long planti samting we i bin abrusim ol long taim bilong pait.

Ol yangpela man-meri na pikinini husat i bin abrusim gutpela skul na edukesen bilong ol i stat long go bek long skul bilong ol na o arapela i lusim ples pait bilong ol na stat long go long ol pilai graun long pilaim ol spot, samting we planti long ol i no bin mekim long las tenpela yia.

Na wanpela long ol em Kaupa Omena husat i gat 27 krismas bilong Koko hauslain long Unggai distrik long Isten Hailans yet.

Olsem wanpela yangpela folowa bilong kikboksing spot, Omen i joinim dispela spot na mekim wei bilong em i go antap long kamap Saut Pasifik Wol Kikboksing Federesen bentem weit sempion.

Em i bin kisim dispela taitol bihain long em i kamapim strongpela pait na winim wanpela Intenesenel



**SAPOT STAP:** Lokel MP na memba bilong Unggai/Bena Benny Allan (lephan) na olupela wol sempion na presiden bilong PNG Kikboksing Asosiesen, Stanley Nandex (raithan) i givim Saut Pasifik Wol Kikboksing Federesen Bentam weit taitol na let (belt) i go long sempion Kaupa Omena long Goroka – Isten Hailans. **Poto: Sape Metta**

salensa bilong Indonesia long PNG veses Res ov da Wol (PNG verses Rest of the world) sempion we i bin kamap i no long taim i go pinis long Sir John Guise Stadium long Pot Mosbi.

Olpela wol sempion na PNG Kikboksing Asosiesen presiden Stanley Nandex i tok amamas long dispela hai level win bilong Omena.

Em i tok dispela win em i no bi-

long Omena tasol, em i win bilong ol pipol bilong Unggai/ Bena na Isten Hailans.

“Mipela i amamas na apim nem bilong em i go antap long wanem, em i sempion long kikboksing ring na tu wanpela gutpela rol model o piksa husat i kamaut long ples bilong traibol pait na mekim wei bilong em i go antap insait long boksing ring na kisim dispela hai level taitol,” Nandex i tok.

Lokel MP na memba bilong Unggai/Bena Benny Allan i tok amamas tu olsem wanpela yangpela spotman long ilektoret bilong em i winim taitol bilong saut pasifik. “Mi amamas olsem Omena i kamap long dispela mak long kikboksing spot, na mi bai go het long sapotim dispela spot long wanem, mi laikim olsem ol yangpela manmeri o ol yut long ilektoret bilong mi i mas lusim ol bikhet na pasin

nogut, joinim dispela spot, pilai strong mekim nem na winim ol taitol olsem Omena i mekim.

Allan i mekim K10,000 komitemen i go long fandim na helpim Omena long trening program na redim em long go daun na patispet wantaim ol arapela sempion kikboksia long Komowel (Commonwealth) Kikboksing Sempionsip we bai kamap long Sydney – Australia long Ogas yia.

## Allen senisim Unggai Bena bihain long tenpela krismas

**LOKOL** memba bilong Unggai Bena long Isten Hailans, Benny Allan, em i wanpela lida husat i gat bikpela laik tru long bringim planti sevis na kamapim tu ol developmen long olgeta sekta long ilektoret bilong em.

Na edukesen em i wanpela long ol sekta we em i gat bikpela tingting long bringim i kam bek na strongim bihain long planti skul i bin pas na ol pikinini i stop long go long skul long taim ol traibol pait na birua i kamap na kapsait i go long planti eria long Bena Bena.

Nau yet, bihain long tenpela krismas bilong birua

na pait i go i kam, ol samting i stat long kamap gut long las tupelo yia long taim Mista Allan i kamapim stop pait na bel isi program.

Dispela program i senisim pasin bilong planti ol paitman husat i putim daun ol pait samting na stat long mekim ol wok long bringim ol viles na hauslain bilong ol i go bek long pasin bilong bipo we ol i save wanbel long sindaun na i stap gut.

Na ol pikinini tu i stat long go bek long skul. Dispela em gutpela sain bihain long planti krismas bilong o i stap nating wantaim pret.



**SINDAUN GUT:** Ol praimer skul sumatin long Unggai Bena distrik i banisim lokol memba bilong ol, Benny Allan, long taim em i kamap long selebret wantaim ol long namba tu anivesari seremoni bilong stop pait long Lahame, i no long taim i go pinis.

**Poto: Sape Metta**

# Raun wantaim Kanage olgeta wik



**NEM:** Nick Kwau  
**KRISMAS:** 30 (Man)  
**ADRES:** PO. Box 1349, Wewak, East Sepik Provins  
**SAVE LAIKIM:** Ritim buk, singsing, go Lotu, mekim pren wantaim arapela and trevol.

**NEM:** Raphael Iwap  
**KRISMAS:** 18 (Man)  
**ADRES:** St. Michael Secondary School, PO. Box Private Mail Bag, Madang Provins  
**SAVE LAIKIM:** Pilai gems, pilaim musik, operetim Kompyuta, wok teknisen, ritim buk, na go long skul

**NEM:** Vincent Awon  
**KRISMAS:** 30 (man)  
**ADRES:** Kamate Coca Co-operative Society Limited, PO Box 298 Madang Provins  
**SAVE LAIKIM:** Welding, cocoa trena, menesim bloks, Raising Beans long ekspot, mekim fani, harim musik na painim wanpela meri long maritim na stap wantaim oltaim.

**NEM:** Junior B. Dadis  
**KRISMAS:** 32 (Man)  
**ADRES:** College of Distant Education, PO Box 2071, Yomba, Madang Provins  
**SAVE LAIKIM:** Go danis, harim reggae musik, lukim CD, tok pilai na go swim

**NEM:** Jason Elmon  
**KRISMAS:** 19 (Man)  
**ADRES:** Bema High School, PMB Bema, Lae Post Office Morobe Provins  
**SAVE LAIKIM:** Mekim pren, pilai soka, go Lotu, mekim fani na toktok wantaim ol narapela lain.

**NEM:** Gabriel Bania  
**KRISMAS:** 23 (Man)  
**ADRES:** St. Christopher Primary School Turubu East Coast, C/- Bill Orenge PO Box 466, Wewak ESP  
**SAVE LAIKIM:** Autim tok bilong God, serim toktok ol samting, pilai gspol musik, helpim na mekim wok marimari na go Lotu.

**NEM:** Jenna Hill  
**KRISMAS:** 35 (Meri)  
**ADRES:** PO Box 90, Adoagyiri, Nsawam Ghana, West Africa - 00233 541705015 e-mel: waysofl@yahoo.com  
**SAVE LAIKIM:** Kantri musik, kukim kaikai, raitim pas na painim wanpela man long maritim

**NEM:** Rex Yatapsa  
**KRISMAS:** 30 (Man)  
**ADRES:** Wambi DC, PO Box 352, Bulolo Morobe Provins  
**SAVE LAIKIM:** Go Lotu, serim tok bilong God wantaim arapela, stretim hevi bilong ol arapela manmeri, Wok gol na wokim gaden.

**NEM:** Robert Daniel  
**KRISMAS:** 14 (Man)  
**ADRES:** Kanabea Catholic Mission, PO Box 90, Via Kerema, Gulf Provins  
**SAVE LAIKIM:** Pilai gita, volibol, soka, tats, mekim fani, stori, watsim TV, harim Lotu musik, go skul, tek pat long yut wok, go Lotu na lukautim ol enimal na plans.

**NEM:** Awaten Kembo  
**KRISMAS:** 20 (man)  
**ADRES:** Bema High School, PMB Lae, Morobe Provins  
**SAVE LAIKIM:** Pilai volibol, vok, basketbol, harim musik, mekim fani, go Lotu, ritim buk na niuspepa na stori wantaim ol poroman-meri.

## Kanage i laik lukim em yet i pilai

Kanage em i bilong ples Sipil long Ji-waka Provins. Wanpela taim em i go pilai ragbi long Banz taun, ol i tokim Kanage longpo pilai namba 9 huka na em i pilai wantaim ol. Taim Kanage i kisim bol, me i no save long rausim bol o pasim i go long ol arapela pilaia, nogat! Em yet i save kisim bol na ran tasol na dispela i mekim ol arapela pilaia na ol sapota i bel hat nogut tru long Kanage. Taim ol pilai pinis na go aut long fil, ol man-meri i belhat long Kanage na ol i kros long Kanage. Tasol sampela boi ol i giamanim Kanage na ol i tok; Kanage yu pilai gut tru ya na yu winim ol arapela man i pilai. Taim Kanage i harim dispela tok bilong ol boi na em i amamas nogut tru na em i tok olsem, kain olsem yupela i no laik tokim mi pastaim na long taim long haf taim mi i nap stap autsait na lukim mi yet i pilai olsem wanem. Taim

ol boi i harim Kanage i tok, em i laik lukim em yet i pilai long fil, man! ol boi ya i dai tru long lap.

Kopeng Andrew



## Kanage i ranawe long dai

Kanage i kisim bikpela sik tru long namel bilong tupela lek bilong en. Sori tru long Kanage i pilim hat tru long sanap stret na long wokabaut. Na em i slip long bet tasol istap na wanpela dokta i kam lukim em na giamanim

Kopeng Andrew

# Mi save gat bikpela pret long kilaut i pairap

## Dia Laipain

Mi klostu gat 40 krismas, mi wok tasol mi no marit yet. Mi bikpela man pinis, tasol mi gat wanpela hevi na wari, na dispela em taim kilaut i save pairap. Taim kilaut i pairap, bikpela pret pasin stret i save kisim mi.

Mi bilip olsem dispela i no nomol bikos long ples bilong mi, mi wanpela tasol i save mekim olsem. Olsem na taim kilaut i pairap, mi save ron i go insait long rum, putim pilo o matres antap long mi, na mi save pasim yau wantaim ol pinga bilong mi.

Mi tokim mi yet olsem bai mi stretim dispela hevi, tasol nogat ya. Mi save mekim sem samting na i wari long wanem, mi laik mekim samting long helpim mi yet lusim dispela pret pasin, tasol em i no wok.

## Depressed

## Dia Pren,

Tenkyu long serim hevi na wari bilong yu wantaim Laipain. Samting i kamap long yu i save kamap tu long planti narapela manmeri. Pren, i gat planti as watpo pipel i save mekim ol samting long we ol i mekim taim sampela samting i kamap long ol.

Samting yu ekspiriensim em ol i kolim "PHOBIA" long Tok Inglis.

Mining bilong en em dispela. Bikpela pret stret long samting we yu gat kliapela save long em. Dispela pret yu gat long en i bagarapim nomol we yu stap na mekim ol samting long en. Tru, dispela piling bilong bikpela pret i no nomol, ol lain i gat dispela kain pret i save laik abusim as we pret i kam long en. Pret pasin yu gat o kondisen bilong yu i pondau long tupela level. Wanpela em long ASTRO PHOBIA, em pret long "lightning" o lait i save kamap taim kilaut i pairap na namba tu, BRONTO PHOBIA, em pret long tanda o pairap bilong kilaut.

Ol risets i soim olsem i nogat kliapela samting o as long man i save gat phobia o pret nogut tru long sampela samting. Tasol em i ken kamap long ol kombain samting olsem samt-

ing i stap long famili, fisikel o sosel.

Pren, mipela i hop olsem infomesen ya long ol kondisen we phobia i kamap mipela i givim yu bai helpim yu luksave long situesen bilong yu na watpo yu wok long gat dispela samting.

Yu gat sampela famili o hauslain pastaim long yu i save gat dispela kain kondisen? Sapos i gat, as long yu gat dispela kondisen em i stap long blut o famili. Sampela taim tu, dispela i ken kamap bikos long we kru bilong yu i wok.

Kru bilong yu i save wok long kaikai yu save givim long en. Na long kes bilong yu, yu save givim pret olsem kaikai na dispela i save kamap taim kilaut i pairap.

Tingim pren, ol 5-pela "senses" bilong yu i save pilim ol samting i save kamap klostu na raunim yu. Taim yu harim kilaut i pairap na lait i kamap, ol senses bilong yu i salim toktok i go long kru na kru i save tanim mesej o toktok long nomol o i no nomol rot. Yu bihainim rot long pret na "panic" o pret nogut tru na taim yu wok long groa i go i go, dispela samting i kamap olsem nomol long yu, tasol em i no nomol.

Sampela taim, em i hevi long yu tingting planti na insait bilong yu bai gat hevi long ol yet. i gat bilip tu olsem taim papamama i strik long ol pikinini bilong ol, ol i save pretim sampela samting na tu, ol ples. Ol i nogat strong long sampela samting i save kamap long laip, stap na sindaun bilong ol long olgeta de.

Hia em ol sampela samting yu ken mekim long tritim hevi yu gat long en: Saiko na bihevia terapi we bai yu kisim save long hevi o sik yu gat long en. I moabeta yu kisim sampela buk long dispela sik o samting na ritim. I gat sampela CD long ol dispela samting na i moabeta yu go long wanpela buksop o stoa i save salim ol.

Sampela eksasais bai helpim tingting bilong yu i gutpela moa long marasin na ol saiko ektiv drag o

Kanage na i tok olsem, sori Kanage yu i gat 3-pela minit tasol i stap bilong yu bai i dai. Na Kanage i wari nogut tru na em i mekim ol las las bilong em bai dai. Tasol dispela taim wanpela kon man tu ol kam a i tokim Kanage, mi lukim sik bilong yu, na rabim sili o lombo long dispela hap we em i solap long en. Sori Kanage i ting tru na em i rabim lombo long dispela ples we em i gat sik long en. Tasol yu save lomb em i kukim em nogut tru na man ya kisim bikpela bagaraop, na em i kalap kalap i go sindaun long wanpela liklik wara na em pilim orait n em i tok olsem Dokta i tok mi gat 3-pela minis bilong mi bai indai ya tasol laki na sili o lombo i kukim sik bilong na mi ran i go long wara sindaun na 3pela minis i go pinis na mi no dai. Tenkyu tu long sili o lombo yu mekim na ranawe long dai sapos nogat em mi dai pinis. Kanage ting em i ranawe long dai.

Kopeng Andrew

marasin bai helpim yu long sotpela taim long pret pasin yu gat long en. Yu ken baim ol dispela long kemis.

Taim yu bungim ol infomesen long stretim hevi yu gat long en, yum as salensim ol tingting o bilip yu gat i save kamapim dispela pret pasin. Ritim ol samting i sut long hevi na mekim samting long helpim yu daunim hevi ya. Kisim ol muvi i gat kilaut i pairap na sindaun wantaim famili na lukim we bai bildim strong long fesim hevi.

Tingting bilong yumi i save bihainim samting yumi bilip long en, na samting yumi mekim. Taim tingting bilong yu i pulap long pret long kilaut i pairap, em i progrem pinis long tingting bilong yu, na samting bai yu mekim. Long narapela we, yu fomim pinis bilip sistem i no nomol, tasol bikos em i hap olsem laip bilong yu nau, em i nau nomol long mekim olsem yu mekim nau. Ol tingting i no nomol i mekim yu wari long wanem, yu lukim olsem i nogat we aut.

Olsem mipela i tok pinis, i gat nit long yu salensim ol pret tingting yu gat long en long kilaut i pairap.

Askim yu yet, samting yu mekim i helpim helt sait bilong yu? Bai kisim sampela taim long lainim ol nupela samting tasol yu no inap lainim ol nupela samting sapos yu no mekim samting long traim.

I moabeta yu go lukim wanpela speselis dokta long Pot Mosbi Jenerel Haus sik.

God i ken givim yu bel isi Pren bilong yu, Laipain

Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain



# Wok bisnis groa strong



**WELKAM:** Ol meri Mekeo long Sentrel Provins i putim naispela tumbuna bilas na wokim danis singsing na tumbuna ausait long Palamen long welkamim Praim Minista bilong Australia, Kevin Rudd taim em i go bung wantaim Praim Minista O'Neill na ol minista bilong em. **Poto: Veronica Hatutasi**



## PNG LAW AND JUSTICE SECTOR

### DEATH NOTICE & CONDOLENCE MESSAGE

**LATE MR. JOE ROGER KANEKANE MBA, BA (HONS)**

**Director for Law and Justice Sector Secretariat**



This is to advise friends, colleagues and relatives of the untimely passing of **Mr. Joe Roger Kanekane** who passed away on **Sunday 14<sup>th</sup> July 2013 at 7pm in Tabubil General Hospital, Western Province whilst on a brief visit there.**

Chair of National Coordinating Mechanism, Ms. Juliana Kubak on behalf of all National Law and Justice Sector Agency Heads, management and staff of the Law and Justice Sector Secretariat conveys her deepest and sincerest heart-felt condolences to wives, children, family and relatives of the late **MR. JOE ROGER KANEKANE.**

Late Mr. Kanekane was a dedicated and loyal executive with the PNG Law and Justice Sector who contributed immensely to development, implementation and coordination of sector policies and institutional changes currently experienced in the sector. He committed his time and energy to display these changes through the sector website. He served as a distinguished manager in carrying out his sector duties in many parts of the country until HIS LORD AND SAVIOUR called him home where he passed on at Tabubil. We acknowledge his invaluable contributions as an experienced law and justice manager leader and will miss him dearly.

*"Even I go through the deepest darkness, I will not be afraid, Lord, for you are with me; your Shepherd's rod and staff comfort me"*  
**Psalm 23:4**

May his soul rest in eternal peace

NB: "Haus Kral" is at the family residence in Rainbow Village, Gerehu, NCD.

**Contacts:**  
Mr. Robert Tukundo 7608 6468 or email, [robert.tukundo@lawandjustice.gov.pg](mailto:robert.tukundo@lawandjustice.gov.pg)  
Mrs. Regina Robin 321 3552 or on email, [regina.robin@lawandjustice.gov.pg](mailto:regina.robin@lawandjustice.gov.pg)  
Mr. Sam Geno 7684 9055 or on email, [sam.geno@lawandjustice.gov.pg](mailto:sam.geno@lawandjustice.gov.pg)  
Mr. Francis Puringi 7197 1645 or  
Mr. Leo Kulumbu 7251 4960.

Authorized by Ms. Juliana Kubak,

Acting Secretary for Department of National Planning and Monitoring (DNPM) and Chair of the National Coordinating Mechanism (NCM)



**Stanley Nondol i raitim**

**Wok bisnis long kantri bin stap strong long namba wan kwata bilong yia 2013 tasol i laik kam daun taim wok konstruksen bilong bilian kina PNG LNG i laik pinis long yia 2013.**

Wanpela ripot bilong Benk Bilong Papua Niugini o BPNG long Kwateli Ekonomik Buletin we kam aut las wik i tokaut long dispela.

Dispela ripto i tok bikpela gavman spedin, bikpela groa bilong ol komesel benk kredit go long praivet sekta, long tem praivet sekta investmen na groa bilong non minerel sekta i kamapim dispela groa bilong bisnis we stap strong long dispela kweta bilong 2013.

Ol spin of o liklik bisnis ol pipel save mekim long mekim inkam i stat long kam daun bikos wok konstruksen bilong PNG LNG i klostu laik pinis long dispela yia.

Ripot i tok wol maket prais bilong ol komoditis bilong PNG i kam daun na dispela i lukim long mun Mas 2013 inkam tu i kam daun na Kina veliu i kam daun agensim Australia na Amerika o US

dola. Ripot i tok inflation o prais bilong ol samting long kantri bin go antap liklik long Mas Kwata long 2.8% long 2013. Na long Desemba 2012, inflation o prais bilong samting bin stap long 1.6%.

Ripot bilong BPNG tu i tok ol sales long mineral na wantaim arapela sekta long praivet sekta bin kam daun long 1.0% long Desemba 2012 na long Septemba bin kam daun long 0.4% long 2012.

Long arapela praivet sekta sales bin groa long 5.2 % Desemba kwata bihain long em bin go antap long 3.1% long septemba long 2012.

Inkam bin kam daun long mineral sekta tasol bin go antap long ol arapela sekta olsemagrikalsa na forestry, fiseries, retal na olsel, trenspot na bilding na konstruksen sekta long 2012.

Na lukluk long wanwan rijen, Sauten na Ailan rijen inkam bin kam daun na Hailens, NCD na Morobe na Momase bin go antap.

Long 2012 total sales inkam veliu go antap na stap long 6.8 % na sales bin go antap moa long 9.5% we i no putim wantaim minerels sekta.



# Digicel Faundesen lonsim 2012-2013 anuel ripot

Frieda Sila Kana i raitim

**DIGICEL Faundesen i tromoi K7 milan long sapotim 93 komyuniti bes projek aninit long edukesen na helt long 2012-2013 fainensel yia.**

CEO bilong Digicel Faundesen, Mis Beatrice Mahuru i bin givim wanpela ripot long ol bot memba na sampela patna wantaim midia long Fraide 18 Julai, 2013 insait long Digicel Kampani Bot rum long Pot Mosbi.

Wanpela nambawan projek aninit long helpim bilong Digicel Faundesen, em Isi Lening Senta we ol tisa bilong ol Komyuniti Lening Senta (CLC) i save kisim skul bilong lainim ol pikinini bilong ol setelmen na ol rurel viles aninit long ol CLC we Digicel yet i helpim long sanapim.

Isi Lening em i patnasip projek bilong Digicel Faundesen wantaim Yuniti Foa Skwea sios long Gerehu.

Antap long ol arapela gutpela developmen wantaim helpim bilong Digicel Faundesen, ol pikinini i kisim gut skul wantaim ol tisa we i lainim gutpela we bilong kolim ol leta bilong alfabet na long raitim, ol i kolim foniks, aninit long Isi Lening trening.

Lid trena bilong Isi Lening, Vincent Gene i tok ol pikinini husat i bin kisim skul wantaim ol tisa we i kisim trening long Isi Lening, taim ol i go long ol sistem elementeri skul, ol i kalapim tupela gret bikos save bilong ol i bikpela tumas long prep o gret 1.

"Isi Lening i bin stat long yia 2010 wantaim 13 tisa tasol na 400 liklik sumatin long ol CLC, na nau namba bilong tisa i go antap long 72 na namba bilong sumatin i go antap long 2320 na CLC namba i senis long 18 i go 25," Mista Gene i tok.

Mista Gene i tok olsem, taim Isi Lening progrem i kam insait, ol tisa bilong ol CLC em ol lain i pinisim gret 6, gret 7 na gret 10 level tasol we ol i bin stap long ol komyuniti bilong ol. Olsem na Mista Gene i disainim trening modul long putim ol we bilong tis, inap long mak bilong save bilong ol tisa. Nau 114 i greduet pinis wantaim dispela trening aninit long Isi Lening skul na 52 moa, bai greduet long Novemba.

Wanpela bikpela samting em i gat tupela greduet tisa i muv i go insait long elementeri skul pinis na wok bilong ol i smat moa, winim ol narapela tisa.

"Em bai i go long narapela 10 yia moa na bai i go yet long ol rurel eria tu. Mipela bringim bek foniks long lainim ol tisa na



**Digicel Faundesen Bot Siaman, Richard Kasman holim soim PNG map insait long anuel ripot na soim ol hap DF wok i stap, na CEO Mahuru i sanap long sait.**

sumatin i kamapim gut edukesen level bilong ol. Ol pikinini i greduet aninit long dispela progrem em ol skul i wok long pusim ol i go antap hariap long bikpela gret," Mista Gene i tok moa.

"Na mipela bilip senis nau i kamap long ol elementeri skul wantaim helpim bilong Digicel Faundesen, nogut bai i senisim ol we bilong tisim ol sumatin insait long PNG Edukesen sistem. Kongretulesens long gutpela wok Digicel Faundesen i mekim," Mista Gene i tok.

Gaime na Tirimo bilong 9-Mail Mutingneo CLC, i bin makim ol 18 o moa CLC we Digicel Faundesen i save helpim, na i kamap long lonsim bilong dispela enuel ripot. Misis Gaime i makim maus bilong Mutingneo komyuniti na i tok tenkyu long Digicel Faundesen long wanem dispela i sevim tru mani bilong ol mama papa i no hatwok long karim pikinini i go long ol skul insait long siti.

"Mi tenkyu long Digicel bikos em i helpim mipela sevim mani long bas fe. Em i bringim skul i kam insait long setelmen, tasol ol pikinini bilong mipela i kisim wankain edukesen olsem ol pikinini long intanesenel skul," Misis Gaime i tok.

"Taim ol pikinini bilong mipela i kisim gutpela edukesen, ol i ken lukim lait. Ol kisim gutpela skul bilong kamap gutpela sitisen bilong dispela kantri," em i tok moa.

CEO bilong Digicel Faundesen, Mis Beatrice Mahuru, i tok tenkyu long ol patna bilong ol olsem, PNG gavman wantaim wok bilong Helt Dipatmen, Edukesen, Nesenal Kapitel Distrik wan-

taim Gavana Parkop long fandim edukesen, Atlas Steel

long givim diskaun long olgeta bilding matiriel bilong ol CLC na Ela Motors long givim 30 pesen diskaun long olgeta ka, Faundesen i donetim long ol komyuniti.

Mista Richard Kasman, Siaman bilong Faundesen i tok, Digicel Faundesen i gat han mak pinis long olgeta provins bilong kantri na i yusim K19.7 milan long mekim wok.

"Sampela bilong ol eria faundesin i go pinis long em, Digicel Kampani i no gat sevis long em yet tu," Mista Kasman i tok.

"Tenkyu tru long ol nius lain i kam na tenkyu long Mista Vincent Gene tu long kam lukim Digicel Faundesin long givim dispela Isi Lening stail long tis. Digicel Faundesin i sapotim ol komyuniti i save kirap na statim wok bilong ol yet," em i tok moa.

"Mipela i wok klostu wantaim ol patna bilong mipela long mekim ol wok. Faundesin i wok wantaim ol ples i longwe na i nogat rot we ol man i save karim ol samting bilong wok antap long dingi o kanu. Mipela i no save wok mak long ol sios o tokples long mekim wok," Mista Kasman i tok.

"Faundesin i sanapim ol komyuniti haus bilong givim helt sevis, na helpim meri i ranawe long pait wantaim man. Man i paitim meri o domestik vailens i save kamap bikos ol marit i kisim planti tingting long ol senis i kamap long komyuniti bilong ol, kain olsem populesen i go antap hariap," Mista Kasman i tok moa.

Mista Kasman i tok, Digicel i bringim bikpela senis insait long Papua Niugini. Na Digicel i tromoi klostu K20 milan long ol komyuniti pinis. Em i save

givim ol projek olsem presen i go long ol komyuniti we i save kirap long mekim wok bilong ol yet pastaim.

Stat long ol klasrum i go long ol gutpela ol tebol, sia na sola pawa sistem long ol rurel komyuniti.

Em i tok long yia 2012 na 2013 Faundesin i traime long wok moa wantaim ol memba bilong Palamen long bringim ol sevis i go long ol komyuniti, tasol ol i wok wantaim strongpela lo bilong gavman. Kain olsem ol skul i mas gat sapot leta bilong Provinsel Edukesen na ol i mas gat skul bot na i mas gat ol sumatin na nid bilong helpim.

"Tok piksa olsem helt senta long Goilala saplai em Palamen membam Honorabel Daniel Mona i sapotim kos bilong karim ol materiel i go long helt senta," Kasman i tok.

Digicel Faundesin i gat liklik lain wok man, meri tasol ol i mekim bikpela wok tru i karamapim 22 provins na i bin fandim pinis 148 komyuniti bes projek na i senisim laip bilong 200,000 pipel long klostu olgeta distrik na i gat 13-pela tasol i stap yet. Long 2014 Digicel Faundesin bai wok yet wantaim ol komyuniti long eria bilong Helt na Edukesen, Domestik Vailens, Spesel Nid na skils trening.



Kava piksa bilong 2012-2013 Faundesin anuel ripot.

Poto: Frieda Kana



# Wantok

## Advertise your Business right here!!

We deliver your message right to the remote areas of PNG where others don't go.  
Wantok Niuspepa is your medium to communicate your business now.



Niuspepa Bilong Yumi Ol PNG Stret!!



Call the Advertising team on,  
**Ph: 3252500 Fax: 3252579** or  
 Email: [advertising@wantok.com.pg](mailto:advertising@wantok.com.pg) or  
 Website: [www.Wantokniuspepa.com](http://www.Wantokniuspepa.com)





# GLASIM RAMU NICO PROJEK



*Wanpela Ramu NiCo, Wanpela Komyuniti*

## Imuruba klen long KBK kisim kontrak long timba bisnis

**M**OA LONG faivapela yia i go pinis turangu ol pipel bilong Kurumbukari i save painim hat tru long rot na trenspot long go long eria bilong ol.

Tasol tude, bihain long developa bilong nikel/cobalt Projek, Ramu NiCo Menesmen (MCC) Limited i krungutim maunten bilong Kurumbukari, planti senis i kamap.

Tude ol liklik bas na ol bas i save ron i go kam long Kurumbukari olsem Enekuai rilokesen eria, Kinimati na ol arapela ples antap long maunten.

Rot we Ramu NiCo i kamapim long bringim ol wok samting bilong en i go long KBK i givim gupela sevis tru i go long ol lokal pipel.

I no long taim i go pinis, Ramu NiCo wantaim wanpela klen kampani long KBK i kamap wantaim gupela bisnis wok-bung. Dispela bisnis wok-bung em narakain tru na planti ol papagraun bilong ol arapela projek long kantri i no bin mekim wankain bipo.

Ramu NiCo i tokaut long givim spes long klen kampani, Imuruba Invesmen Limited long katim ol diwai na salim insait long Spesel Maining Lis (SML) eria long Kurumbukari (KBK) Main. Na bihain long ol i katim ol diwai na rausim i go aut na salim, Ramu NiCo i ken muv i go insait na digim graun na kisim nikel na kobalt.

Moa long 600 pipel bilong Imuruba klen bai kisim helpim i kam long dispela timba bisnis em Ramu NiCo i givim.

Wanpela lokal man bilong KBK, Joseph i tok olsem em i amamas tru bikos Ramu NiCo i luksave long veliu bilong ol timba long SML eria we em bai katim na i givim dispela bisnis i go long lain papagraun. Dispela em gupela pasin tru kampani i mekim. Ating ol arapela kampani long ol mineral projek long PNG i mekim olsem tu o nogat, tasol Ramu NiCo i soim stret naispela pasin long givim bisnis long ol papagraun.

Insait long dispela kontrak we Ramu NiCo wantaim Imuruba Invesmen Ltd i sainim, ol lain papagraun bai katim daun ol diwai yusim wanpela lokal kampani nem bilong en Tropic Timber Limited insait long wanpela join vensa pat-nasip.

Ramu NiCo Komyuniti Afes Suprintende long KBK, Robert



Ol wokman bilong Tropic Timba yusim masin long katim diwai.



Ol lokal lain bilong Imuruba i sanap antap long diwai ol i katim.



Wok long timba i go het.



Ol lokal wokman blong Imuruba klen i katim diwai.

Wang i tok olsem timba kampani long Madang Tropic Timba i tok-orait pinis long mekim wok long katim ol diwai daun, kliarim ol ples na tu salim ol timba bilong ol papagraun. Bihain long dispela olgeta wok i pinis Ramu NiCo i ken bringim masin bilong en i go insait long eria na digim graun long kisim nikel na kobalt.

Mista Wang i tok olsem klen kampani na Tropic Timba i pasin tok orait pinis namel long tupelo yet long sait long salim timba na skelim mani, tasol bikipela samting

em kain bisnis wok nau i kamap long helpim ol lain papagraun long kisim diwai na salim na bringim developmen long helpim sindaun bilong ol long ples na hauslain wantaim mani ol i kisim.

Dispela loging kontrak em ol i redim namba wan taim tru long mun Oktoba 2012 na ol i bin sainim long mun Epril 2013 namel long Ramu NiCo, Imuruba Invesmen na Tropic Timba Limited.

Ramu NiCo i bin givim sampela edvens mani long helpim wok olsem K30,000 i go long klen kam-

pani long redim ol risoses bilong en na tu long helpim ol long painim na kisim kampani long katim timba bilong ol. Dispela i lukim nau gupela kampani olsem Tropic Timba nau i go wok wantaim ol long mekim gut wok bihainim lo bilong kisim timba stret. Narapela samting tu Tropic Timba bai helpim long painim maket bilong ol lain Imuruba Klen kampani.

Tropic Timba i redim pinis 6-pela sens0 bilong en long helpim 12-pela lokal man bilong Kurumbukari long katim daun moa long 61,000

skwea mita eria em ol i katim daun diwai pinis.

Bihain Ramu NiCo bai yusim ol masin bilong en long bungim ol diwai em ol i katim daun long bringim i go long 6-pela miling masin em Tropic Timba i givim long ol i yusim.

"Taim ol papagraun i kisim helpim i kam long loging bisnis, mipela i bilip olsem ol bai sapatim Ramu NiCo long wok mainting mipela i mekim," Mista Wang bilong Komyunit Afes Dipatmen i tok.



### Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisani o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

**Ol dispela namba i soim kliia mak bilong wok mipela i pinisim:**

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**Wanpela Ramu NiCo, Wanpela Komyuniti**





# Minista laikim NAQIA sekim birua sik bilong buai

## James Kila i raitim

MINISTA bilong Agrikalsa, Tommy Asik Tomscoll, i tokaut olsem em bai askim Nesenel Agrikalsa Kwarantnin na Inspeksen Atoriti (NAQIA), long sekim sik nogut na binatang we i wok long kilim ol diwai buai long sampela ol provins long PNG.

Buai em i fevret samting bilong kaikai na opim ai na kliarim tingting, na kisim filings, na wanpela kain binatang nogut wantaim sik nau i wok long kilim indai

buai long sampela hap bilong kantri olsem Makam (Markham) long Morobe, na tu long sampela hap long Manus Ailan.

Minista Tomscoll i tokaut olsem nau yet, i gat bikipela pret tru i stap long Madang provins bikos wanpela binatang nogut i kilim indai buai long Makam veli pinis, na ol pipel i pret nogut dispela binatang i surik i go olsem long Madang.

Mista Tomscoll i bin bekim askim bilong Gavana bilong Madang, Jim Kas, long las wik long Palamen long wanem rot long

daunim ol sik nogut we i bungim ol diwai kes-krop olsem kakau, kokonas na buai.

Mista Kas i tok planti pipel tru i save strong long kisim mani long buai na taim bagarap i kamap long buai, turangu ol pipel bai kisim hat taim stret.

Minista Tomscoll i askim olgeta lain pipel long Madang provins, stat long Ramu i go olsem long Raikos long bung wantaim na putim bikipela banis o was long noken larim dispela binatang nogut we i ken kilim dai buai, i surik i

go insait long eria bilong ol. Mista Tomscoll i tok planti pipel insait long Madang provins i save kisim mani long sapatim sindaun na laipstail bilong ol long ples long mani bilong buai tasol. Olsem na sapos bagarap i kamap long dispela industri, em bai givim bikipela hevi tru long sindaun bilong ol liklik manmeri long ples na hauslain.

Em i tok tu olsem planti ol lain buai baya bilong Hailans husat i save wokabout longpela rot long baim buai na mekim bisnis,

bai kisim taim tu taim bagarap i kamap long buai long Madang provins.

Bihain long hevi i kamap long binatang i bagarapim buai long Makam Veli, ol buai baya bilong Hailans nau i save go olsem long Madang long baim buai.

Ol i save bung long 4-mail Maket, Sagalau, Not Kos, na Ramu Riva, na tu long hap bilong Long Ailan long Raikos distrik long baim buai.

Sampela bikipela buai sela long NCR long Madang, i laikim NAQIA, Dipatmen ov Agrikalsa, na

CCI, long sekim tu ol kar na manmeri i kam insait long Madang provins bikos nout ol i karim ol kuru buai nogut bilong Makam Veli go long Madang.

Minista Tomscoll i tok nau yet, PNG i wok long lukim planti kainkain nu pela sik i kam insait long kantri.

Dispela ol sik i wok long kam olsem long Esia long Indonesia, bikos i gat lain i save go kam long boda, na tred, na tu, em i hat tru long kontrolim wokabout bilong ol manmeri i go kam long boda eria.

# Gavman opisal skelim Manam Risetelmen Projek eria long Raptuk

WOK progrem long redim ples long sindaunim moa long 15,000 pipel bilong Manam aninit long Manam Risetelmen Projek long Raptuk long Andarum Sensus Divisen, long ples Bogia, i lukim sampela redi i kamap las wik taim sampela gavman opisal i mekim wok raun i go long dispela eria.

Administreta bilong Madang, Ben Lange, i tokaut long dispela long wanpela nius kibung wantaim ol niusmanmeri las wik.

Mista Lange i tokaut olsem

displa wok progrem em wanpela bikipela progrem tru insait long histori bilong Madang provins, na bai kisim gavman samting olsem K1.5 bilian.

Olsem na lukluk raun bilong ol gavman opisal i go long Raptuk, em long lukkm eria na skelim tingting bilong Nesenel na Provinsal Gavman long wanem intares o laik bilong ol ong go insait long risetelmen progrem.

Narapela samting tu em long lukluk long wanem ol rot i stap long brinigm ol besik

gavman sevis i go long dispela eria, we pastaim i no save lukim ol sevis bilong gavman bipo.

Mista Lange i tok bikipela astingting em long painim gutpela ples bilong ol pipel bilong Manam Ailan, tasol i gat ol narapela bikipela moa wok tu i stap.

Em i tok narapela plen bilong gavman tu em long kirapim welpam industri long Andarum, na dispela em gavman bai tokaut long ol pipel bihain long lukluk raun bilong ol gavman wokman.

Mista Lange i tok dispela projek bai kostim K15 bilian, na nau yet, gavman i no gat dispela kain mani long dispela wok.

Em i tok narapela samting tu em long kirapim wantaim liklik taun long han na dispela bai lukim wok i kamap long mekim rot, helt senta, na ol arapela samting olsem wara na pawa saplai.

Em i tokaut tu olsem gavman wanpela bai no inap long kamapim dispela projek. Olsem na gavman bai lukluk long ausait lain long givim

sapat, na em bai lukluk long kain lain olsem Wol Benk, Esian Developmen Benk (ADB), na tu, gavman bilong Saina long wok wantaim olsem developmen patna.

Taim Mista Lange i mekim dispela ol toktok, em i surikim maus bilong foma jas, Paul Akuram, husat i laik lukim olsem wok long stretim Manam Restoresen Atoriti Ekt, em bikipela samting na i mas kamap hariap.

Mista Lange i tok dispela ekt i wankain liklik olsem Gazelle Restoresen Atoriti Ekt

long Is Nu Briten, na em bai wanpela bikipela samting long Gavman i ken yusim long taim em i painim helpim long kampaim kain bikipela projek olsem.

Em i tokaut olsem namba wan pepa wok o draf bilong dispela ekt i go pinis long Nesenel Eksektiv Kaunsil (NEC) na kisim tok orait pinis, tasol em i mas go long Palamen long kisim ful tok-orait.

Taim olgeta dispela wok i kamap, bai gavman i ken lukluk i go aut long kisim helpim long ausait long kirapim wok.



Em bai mekim yu laikim sampela moa!



RD TUNA CANNERS LTD.



# Tupela yia wokabaut long bungim 2015 Pasifik Gems

## Frieda Sila Kana raitim

**FONDE 4 Julai, 2015 i makim tupela yia long wokabaut bilong i go long bungim 2015 Pasifik Gems na Minista bilong Spots na 2015 Pasifik Gems, Justin Tkatchenko i lonsim dispela de long Jack Pidik Pak long Nesenal Kapital Distrik.**

Siaman bilong 2015 Pasifik Gems Atoriti, Mista David Conn i tok long dispela de bilong selebretim 2 yia stret long go bungim de bilong opim ol Pasifik Gems long 4 Julai 2015, olsem em i laik tok tenkyu long ol meja sponsa bilong Gems, na ol arapela lain i wok long sapotim dispela wok olsem ol polis ben na ol nius lain.

"Yumi mas soim ol brata bilong yumi long Pasifik olsem yumi bai kamapim wanpela naispela na gutpela Pasifik Gems stret na tu yumi mas tok amamas long ol lain bilong yumi long resis na pilai na yumi hop olsem ol bai kisim ol top medal tasol," Mista Conn i tok.

Mista Conn i tok tenkyu long sapot bilong NCDC na em i luksave long Siti Menesa, Leslie Alu, i bin stap long dispela taim tu. Em i tok Gems komiti bai i save bung long miting olgeta wanwan mun na em i kostim tiam na mani tasol olgeta lain i amamas long givim taim na save bilong ol long dispela gutpela samting.

"Ol gems i stap long gutpela han bilong CEO, Peter Stewart, em i man i gat moa save long ronim ol kain bikpela gems olsem Olimpik, Komonwelt Gems na Saut Pasifik Gems na yumi bai kamapim tru wanpela kain Pasifik Gems we bai ol man i tingim long, longpela taim yet bihain." Mista Conn I tok.

"Em i bikpela moa i winim Komonwelt Gems na PNG i gat bikpela ona long go pas long dispela. Yumi bai i gat K1 bilian infrastraksa developmen insait long Pot Mosbi bihain long gems i pinis na dispela siti bai kamap wanpela primia siti long Pasifik. Dispela bai ol i kolim olsem tumbuna stori bilong Pasifik Gems. Bihain bai olgeta Papua Niugini i ken yusim ol dispela long pilai kainkain spot." Em i tok moa.

"Yumi laikim olgeta lain i kam bai tok, man Mosbi em i gutpela ples stret ya. Tasol

mipela laikim yupela olgeta pikinini, i go long bubu long mekim gut dispela taim. Mipela laikim ol dispela spot man na meri na ol opisel na lain bilong ol i go bek wantaim gutpela bel na laikim long ol pipel na ples bilong yumi." Mista Conn i tok.

Las taim long 1991 taim ol lain bilong yum iron resis na i winim planti medal. Em welkamim Ogenaising Komiti long wok wantaim ol komuniti long siti long wanem yumi nidim 3,000 volantia.

Tok Bek So host, Roger Hau'afa i bin Masta ov Seremoni long dispela lonsim na em i tok, em i bikpela blesing long stap long witnesim tupela taim Pasifik Gems i kamap long PNG, nambawan long 1991 na nau 2015 bai nambatu taim.

Minista bilong Spots na 2015 Pasifik Gems, Justin Tkatchenko i tokaut olsem insait long dispela 12-pela mun i kam, O'Neill-Dion i bin kamapim planti bikpela wok long wanem toktok bilong kisim gems i kam long PNG i bin kamap long yia 2009 tasol tripela yia i go nating na nogat wanpela gutpela wok i kamap. Taim dispela gavman i kisim gavman long Ogas 2012, i no bin gat wanpela wok long graun i stap, tasol nau dispela gavman i mekim planti wok i kamap pinis.

Mista Tkatchenko i bin tok olsem long dispela de yet, NEC i bung long givim kontrak i go long ol kampani bai wokim Akuatik senta na Gems Viles. Em i luksave long siaman bilong Gems Ogenaising Komiti, Costos Constanioe long wanem ol i volantia long mekim wok tasol ol i save mekim wok bilong gems long olgeta 7 de long wik. Praim Minista O'Neill i wanbel tru long olgeta wok kamap.

"Tupela yia em i no longpela taim, olsem na yumi olgeta mas wok bung wantaim. Em i no samting bilong toktok long ol bikpela haus na ol samting bai i kamap, nogat em i samting bilong winim gem na kamap namba wan na i no namba 2. Em i samting bilong winim gol. Nau PNG bai i no stap olsem liklik pis insait long wara, nogat em i bai stap olsem bikpela pis. Mipela bai soim wol olsem PNG em i wok long go fowot na moa beta," Minista Tkatchenko I tok.

"Gems bai bungim nesen



Minista bilong Spots na 2015 Pasifik Gems, Honorabel Justin Tkatchenko.



Kauntim long TV Skrin lons bilong 2 yia sponsasip bilong 2015 Pasifik Gems.

bilong yumi wantaim ol Pasifik nesens. Yumi bai soim PNG i ken mekim wanem kain samting na ol gems i stap long yu amamas long en na selebretim. Tude yumi gat tu yia tasol long go long openim gems

long 2015. Mi tenkim BSP Beng, CEO na Menesmen olsem opisel Gol Sponsa bilong 2015 Pasifik Gems, JDA Wokman, Hertz, Moore Printing, MMI na ol arapela sponsa bilong gems," em I tok.

"Yumi mas sanap bak-sait long ol lain bilong yumi long ron resis na ol spot man meri na yumi mas bel kirap na mekim dispela gems i kamap wanpela bes Pasifik Gems i winim olgeta gems i bin kamap bipo,"

Mista Tkatchenko I tok.

Long pinisim toktok bilong em, Minista I tokaut olsem Se Mick Curtain bilong Curtain Brothers i volantia pinis long wokim niupela Se John Gais Stadium.

# OI Spot Eksen poto long wiken...

OI Poto Nicky Bernard.



**RAGBI YUNIEN:** Faiv eit bilong PNG Pukpuk i rausim bal taim ol fowod pasim ol Cook Ailan long ragbi yunien gren fainol bilong Oceania Kap. Cook Ailan win 39-31.

**BIKEPELA PES:** Genia wantaim Spot Minista Justin Tkatchenko, bihain long gren fainol bilong Oceania Kap long Pot Mosbi.



**TRAI YA:** ol sapota bilong PNG Pukpuk i amamas long wanpela trai.



**NETBAL:** Ol lapun pilaim gren fainol bilong ol Masta long Sentral Netbol.



**RAGBI LIG:** Bikpela fowod bilong Viper i traim strong bilong Tiger long Digicel Kap resis long Pot Mosbi, Vipers i winim dispela pilai.

## - Weekend Sports Draws -

### Digicel Cup Round 14

Home	Away	Venue
<b>SUNDAY, 21 JULY</b>		
SNS Vipers	vs. Bintangor Lahanis	Port Moresby
Enga Mioks	vs. Gulf Isapea	Wabag
Wamp Nga Eagles	vs. Agmark Gurias	Mt Hagen
TNA Lions	vs. Hela Wigmen	Kundiawa
Mendi Muruks	vs. Snax Tigers	Mendi

#### RESULTS

Vipers 26 Tigers 16  
 Gurias 32 Isapea 22  
 Lahanis 23 Mioks 10  
 Wigmen 30 Muruks 24  
 Eagles 4 Lions 16

#### LADDER

	P	W	D	L	F	A	Pts
<b>Lahanis</b>	14	9	1	4	256	228	19
<b>Gurias</b>	14	9	0	5	343	210	18
<b>Vipers</b>	14	9	0	5	318	232	18
<b>Tigers</b>	14	8	2	4	262	204	18
<b>Mioks</b>	14	8	2	6	324	183	16
<b>Wigmen</b>	14	6	2	6	245	266	14
<b>Lions</b>	14	6	0	8	214	352	12
<b>Isapea</b>	14	4	1	9	274	328	9
<b>Eagles</b>	14	4	1	9	202	329	9
<b>Muruks</b>	14	2	3	9	195	261	7

**TOKSAVE:** Salim ol spots dro bilong yu kam long Feks; 325 2579, e-mel; [bveo@wantok.com.pg](mailto:bveo@wantok.com.pg) o kam lusim long Wantok Niuspepa opis long Able Building Complex long Central Waigani, NCD.



# PRL bai senis kamap Wol Klas Stedium

**Nicky Bernard i raitim**

POT Mosbi Ragbi Lig graun bai ol senisim na mekim kamap olsem wol klas stedium bilong Pot Mosbi na Papua Niugini.

Dispela toktok i kam long Spot Minista Justin Tkatchenko taim em go lukim gren fainol pilai bilong ragbi yunien bilong Oceania Kap namel long PNG Pukpuk na Cook Ailan long wiken i go pinis.

Minista Tkatchenko i tok, ol komiti memba na ol lain husat bai go pas long lukautim dispela graun i bung pinis na kisim wanpela kontrak husat ol save wokim ol bikpela stedium.

Em tok dispela olpela PRL graun ol bai ol brukim na joinim olgeta tripela ragbi graun bilong PRL kamap wanpela tasol.

"Dispela nupela ragbi stedium bai inap long kisim 50 tu 60 tausen manmeri na pikinini long wanpela de, na em bai

ken holim ol Intanesenal pilai ol konset", Tkatchenko i tok.

Em tok tu olsem, bipo yumi save sanap aut sait na pulim lain long go insait long PRL, dispela nau bai nogat, dispela stedium bai gat ples bilong baim tiket na tiket yet bai soim wanem hap bilong yu long go sidaun, na tu bai gat masin bilong kauntim ol manmeri.

"Pot Mosbi Ragbi Lig graun bai kamap Wol Klas Stedium, na em bai namba wan long Pasifik long wanem em bai gat

ol opis tu insait long en", Minista Tkatchenko i tok.

Dispela nupela PRL Stedium bai nogat klab long en na tu bambu long salim na dring bia long hap long wanem planti ol pilai i gat pait na kros kamap long wanem i gat klab insait na ol manmeri save baim bia na dring na kamapim ol dispela hevi.

Minista Tkatchenko i tok dispela stedium bai pinis wanpela Mun bipo long 2015 Saut Pasifik Gem bai kamap.



## Ol ples mas sanapim ol strongpela spot resis

YUMI save lukim planti ol spot pilai na resis i save ron gut long ol taun na siti, ol ples tasol i save pundaun long dispela.

Ol spot pilai na resis i gutpela bikos ol i save pulim rausim ol yangpela long ol pasin nogut insait long ol komyuniti bilong ol.

Ol pilai resis i gat ol arapela gutpela samting tu.

Ol dispela samting em strongim pasin timwok, rispek na luksave long ol wan-pilaia bilong ol, serim aida na save, na lis i go yet.

Long sait bilong painim ol nupela spots talent, dispela em i gutpela ples bilong ol lain i save raun lukluk long painim ol nupela spots manmeri.

Hevi nau i stap long planti hap long kantri, em long ples, ol i nogat ol strongpela spots kompetisen.

Na taim mi tok spots kompetisen, em i mi minim ol spots kompetisen i save ron olgeta taim.

Mi lukim planti ol spots pilai na resis, we i save kamap bihainim wanem taim ol i kisim sapot long kamapim.

Sapos i nogat sapot i stap, ol bai lusim na wetim narapela taim gen, we i gat sapot long mekim.

Pasin politik i stap long as long planti ol spots pilai i save kamap long kantri.

Nau mi raitim dispela ol tingting i stap, i gat ol spots kompetisen i wok long kamap long kain kain hap long kantri.

Tasol bikpela askim mi gat, em bai ol i kamap olsem olgeta taim, o bai ol i pundaun na lus nabaut?

Tru tumas, i gat ol arapela samting tu i save kamapim dispela hevi. Nogat inap savemanmeri, nogat gutpela sapot i kam long komyuniti, na ol arapela pasin nogut i save bagarapim ol spot pilai long ples, olsem pait, ol yangpela i nogat rispek long ol bikpela manmeri, nogat gutpela ples bilong pilai spot, na planti ol arapela samting tu.

Olgeta dispela ol hevi, i ken senis sapos ol pipel long ples i gat gutpela trening long kamapim na lukautim ol dispela kain spot pilai resis.

Ol dispela lain, em ol spots administreta.

Ol i mas gat inap save na strong long lukim kamap bilong ol spot pilai, olgeta taim.

Painim mani sapot i mas kamap olsem wanpela wok bilong ol tu.

Ol komyuniti spot na memba husat i afiliat i go long ol kompetisen, i mas kamap ol fainensal memba, na dispela bai strongim wok fanresing bilong ol.

Ol dispela samting bai no inap kamap samting trutru sapos ol i no kisim gutpela trening.

Taim olgeta samting i stret, spots long komyuniti bai ron gut, na ol pipel bai luksave long veliu bilong spots.

Taim ol pipel i gat inap trening, bai ol i gat save long strongim kamap na pilai bilong spots insait long komyuniti, na strongim luksave long strongim spots insait long komyuniti.

## Vipers na Lahanis bai soim strong

**Nicky Bernard i raitim**

GOROKA Lahanis bai soim strong bilong em long lukaut poin leta bilong Digicel Kap resis taim ol bai kam bungkim Pot Mosbi Vipers long Pot Mosbi.

Dispela tupela tim wantaim i stap long 18-poin tasol Lahanis i go pas long foa na agens long poin bilong ol.

Vipers i daunim Lae Tigers long wiken i go pinis na dispela bai strong tingting bilong ol winim Lahanis long hom graun bilong ol yet. Vipers i nogat gutpela rekot tumas long long win long hom graun tasol dispela bai no inap daunim long wanem ol sapota bilong bai stap long bek-sait bilong ol.

Lahanis i gat rekot long win long PRL graun na dispela bai strongim ol olpela pilai bilong ol long toktok long ol nupela mangi long traim long daun Vipers.

Vipers i gat planti long ol gutpela pilaia husat i makim PNG Kumuls long sampela bikpela pilai go pinis, na dispela ol bek nem pilaia bai kirap paia bilong ol nupela pilai bilong ol.

Long ol narapela pilai long Digicel raun 15 bai lukim, Enga Mioks bai kisim Gulf Isapea long Wabag, tasol dispela pilai bai muv go long narapela pilai graun long wanem i gat hevi long Wabag taim ol sapota kukim kar bilong Lae Bisket kampani.

Eagles bai kisim Gurias long Mt Hagen na dispela bai wanpela gutpela pilai, Lions bai kisim Wigmen long Kundiawa na Muruks bai kisim Tigers long Mendi.



## Maroons kisim namba 8 taim Stet ov Orijin 2013

KWINSLEN Maroons i winim Stet ov Orijin namba 8 taim long ai bilong 80 tausen manmeri long ANZ Stedium long Sydney.

Maroons bin namba wan long skoa long han bilong Johnathan Thurston long 8-minit bihain long wanpela penolti ol Blues givim ol. Johnathan yet i kik go insait long mekim skoa 6-0.

Maroons bin pilai strong tru na holim ol Blues long

lain bilong ol, dispela mekim na Blues givim wanpela penolti go long ol Maroons na Thuston kikim go insait long surukim skoa bilong Maroons go antap long 8-0.

Blues kam bekim long 26-minit we James McManus i putim trai bilong ol Blues long rait han kona we kik bilong Maloney i no go insait na skoa i stap 8-4.

Blues i kisim planti sans long skoa long klostu long

pinis bilong namba wan hap tasol banis bilong ol Kwinslen Maroon i bin strong tru long lain bilong ol dispela mekim skoa i stap wankain na ol go long malolo.

Maroons i senisim pilai bilong ol long namba tu hap, we ol tromoi bal na ol fowod bilong ol bin brukim ol banis bilong ol Blues.

Blues bin kisim sampela gutpela sans long skoa long namba tu tasol Maroons i

strongim banis bilong ol yet, long 60 minit Maroons traim banis bilong ol Blues we i no strong tumas na Justin Hodges skoa long kona, mekim skoa nau i go 12-4, kik bilong Thurston i no go insait.

NSW Blues i kam bek strong na givim ol Maroons bisi stret long was long mak bilong ol, Blues i painim wanpela hol na skoa namel stret long mak bilong ol Maroons

long 71 minit, kik go insait na mekim skoa kam klostu long 12-10

Dispela trai bilong ol Blues i mekim paia bilong ol kirap na ol wok long tromoi bal go kam na mekim ol Maroons i ron tasol na takol.

Maroons kisim wanpela penolti na kik kam daun long lain bilong ol Blues, dispela mekim ol Maroons i skin kirap long putim trai, tasol dispela wanpela trai bilong ol

73-minit ref tok nogat long wanem wanpela sapota i ron kam insait long pilai graun na pilai i stop, dispela tu givim sans long ol Maroons long kilim taim inap ol winim dispela pilai 12-10 long full taim.

Maroons nau i mekim istri bilong Stet ov Orijin taim ol win dispela Sil long namba 8 taim olgeta, Cameron Smith kisim Wally Luwis medol long namba tu yia.





*Moa oil na meat insait*

# Maroons kisim 8pela taim!!

I GO OLGETA: Jonathan Thurstan opim trai bilong Orijin 3.

Ritim stori long pes 27 na piksa long pes 26...

## Maroons 12 - Blues 10

# Johnston's Pharmacies



All Sports and First Aid requirements



For First Aid Kits, Remington Hair Clippers, Remington Hair Appliances, Varta Batteries

P.O. Box 1066 Boroko  
Phone: 325 3185, Fax: 325 0190  
Email: sales@johnstons.com.pg